

3 мая 2020 года
НЕДЕЛЯ 3-я по ПАСХЕ,
СВЯТЫХ ЖЕН-МИРОНОСИЦ

**Последование всеобщего бдения
для домашнего (келейного) совершения**

ВЕЧЕРНЯ

Молитвами святых отец наших, Господи Иисусе Христе, Боже наш, помилуй нас.

Христос воскрес из мертвых, смертию смерть поправ и сущим во гробех живот даровав. Трижды.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **Трижды.**

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Господи, помилуй, **12.**

Слава, и ныне:

Христос воскрес из мертвых, смертию смерть поправ и сущим во гробех живот даровав. Трижды.

ПСАЛОМ 103

Стихи избранныи: Благослови, душе моя, Господа. / Благословен еси, Господи. / Господи, Боже мой, возвеличился еси зело. / Благословен еси, Господи. / Во исповедание и в велелепоту / облеклся еси. Благословен еси,

Господи. / Посредё гор прйдут воды. / Дивна дела Твоя, Господи. / Вся премудростию сотворил еси. / Слава Ти, Господи, сотворившему вся.

Слава, и ныне:

Аллилуиа, аллилуиа, аллилуиа, слава Тебе, Боже. **Трижды.**

Господи, помилуй. **12.**

Слава, и ныне:

Первая кафисма

Либо поем: Стихи избрании:

Блажен муж, иже не иде на совет нечестивых. Аллилуиа, **трижды.**

Яко весть Господь путь праведных, и путь нечестивых погибнет. Аллилуиа, **трижды.**

Работайте Господеву со страхом и радуйтесь Ему с трепетом. Аллилуиа, **трижды.**

Блажени вси надеющиеся Нань. Аллилуиа, **трижды.**

Воскресни, Господи, спаси мя, Боже мой. Аллилуиа, **трижды.**

Господне есть спасение, и на людех Твоих благословение Твое. Аллилуиа, **трижды.**

Слава, и ныне: Аллилуиа, аллилуиа, аллилуиа, слава Тебе, Боже. **Трижды.**

Господи, помилуй. **Трижды.**

Слава, и ныне:

Либо читаем: кафисму 1-ю (1-ю статью)

Псалом 1

Блажен муж, иже не иде на совет нечестивых и на пути грешных не ста, и на сядалищи губителей не седе, но в законе Господни воля его, и в законе Его поучится день и ночь. И будет яко древо насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. Не тако нечестивии, не тако, но яко прах, егоже возметает ветр от лица земли. Сего ради не воскреснут нечестивии на суд, ниже грешницы в совет праведных. Яко весть Господь путь праведных, и путь нечестивых погибнет.

Псалом 2

Вскую шаташася языцы, и людие поучишася тщетным? Предсташа царие земстии, и князи собращася вкупе на Господа и на Христа Его. Расторгнем

узы их и отвержем от нас иго их. Живый на Небесех посмеется им, и Господь поругается им. Тогда возглаголет к ним гневом своим и яростию Своею смятет я. Аз же поставлен есмь Царь от Него над Сином, горю святою Его, возвещая повеление Господне. Господь рече ко Мне: Сын Мой еси Ты, Аз днесь родих Тя. Проси от Мене, и дам Ти языки достойные Твое, и одержание Твое концы земли. Упасеши я жезлом железным, яко сосуды скудельничи сокрушиши я. И ныне, царие, разумейте, накажитесь вси судящие земли. Работайте Господеви со страхом и радуйтеся Ему с трепетом. Примите наказание, да не когда прогневается Господь и погибнете от пути праведнаго, егда возгорится вскоре ярость Его. Блажени вси надеющиеся Нань.

Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующыя ми все: зубы грешников сокрушил еси. Господне есть спасение, и на людех Твоих благословение Твое.

Господи, помилуй. **Трижды.**

Слава, и ныне:

И абие

ГОСПОДИ, ВОЗВАХ, ГЛАС 2-й.

Господи, возвах к Тебе, услыши мя. Услыши мя, Господи.

Господи, возвах к Тебе, услыши мя: вонми гласу моления моего, внегда возвати ми к Тебе. Услыши мя, Господи.

Да исправится молитва моя, яко кадило пред Тобою, воздеяние руку мою — жертва вечерняя. Услыши мя, Господи.

(в приходской практике пропускается до стихир) : Положи, Господи, хранение устом моим, и дверь ограждения о устнах моих. Не уклони сердце мое в словеса лукавствия, нещевати вины о гресех, с человеки делающими беззаконие, и не сочтуса со избранными их. Накажет мя праведник милостию и обличит мя, елей же грешнаго да не намастит главы моея, яко еще и молитва моя во благоволениях их. Пожертвы быша при камени судий их: услышатся глаголи мои, яко возмогоса. Яко толща земли проседесе на земли, расточишася кости их при аде. Яко к Тебе, Господи, Господи, очи

мой: на Тя уповах, не отыми душу мою. Сохрани мя от сѣти, юже составиша ми, и от соблазн дѣлающих беззаконие. Падут во мрежу свою грѣшницы: еди́н есмь аз, дондеже преиду́.

Гласом моим ко Господу возвах, гласом моим ко Господу помолихся. Пролию пред Ним моление мое, печаль мою пред Ним возвещу. Внегда исчезати от мене́ духу моему: и Ты познал еси стези́ моя: на пути сем, по немуже хождах, скрѣша сеть мне. Смотрях одесную и взглядах, и не бе зна́яй мене́: погѣбе бѣгство от мене́, и несть взыска́яй душу мою. Возвах к Тебе́, Господи, рех: Ты еси упование мое́, часть моя еси́ на земли живых. Вонми моленію моему́, яко смирихся зело́, изба́ви мя от гонящих мя, яко укрепѣшася па́че мене́.

Стихи́ры воскрѣсные, глас 2

На 10: Изведи́ из темницы́ душу мою́, // испове́датися имени́ Твоему́.

Пре́жде век от Отца́ Ро́ждшемуса́ Божію Сло́ву, / Вопло́щемуса от Дѣвы Маріи, / приидіте, поклонімся: / крест бо претерпѣв, / погребѣнію преда́дѣся, яко Сам восхотѣ: / и воскрѣсе из ме́ртвых, // спасѣ мя заблужда́ющаго челове́ка.

Мене́ ждут пра́ведницы, // дондеже возда́си мне.

Христо́с Спас наш, / е́же на ны рукописа́ние пригвозди́в на Крестѣ загла́ди, / и сме́рную держа́ву упраздни́: // поклоня́емся Его́ Тридне́вному Воскрѣсе́нию.

На 8: Из глубины́ возвах к Тебе́, Господи, // Господи, услы́ши глас мой.

Со Арха́нгелы воспо́им Христо́во Воскрѣсе́ние: / Той бо есть Изба́витель и Спас душ на́ших, / и в сла́ве стра́шней и кре́пцей си́ле, // па́ки грядѣт суди́ти ми́ру, е́гоже созда́.

Да бу́дут у́ши Твои́ // внемлюще гла́су моле́ния моего́.

Тебе́ распѣншагося и погребѣннаго, / А́нгел проповѣда Влады́ку, и глаго́лаше жена́м: / приидіте ви́дите, иде́же лежа́ше Господь: / воскрѣсе бо, якоже рече́, яко все́лен. / Те́мже Тебе́ поклоня́емся еди́ному безсме́ртному, // Жизнода́вче Христѣ́, поми́луй нас.

На 6: А́ще беззаконія́ на́зриши, Господи, Господи, кто постои́т? Яко у Тебе́ очище́ние есть.

Кресто́м Твои́м упраздни́л еси́, ю́же от дре́ва кля́тву, / погребѣніем Твои́м умертви́л еси́ сме́рти держа́ву: / воста́нием же Твои́м просвети́л еси́ род челове́ческий. / Сего́ ра́ди вопи́ем Ти: // благоде́телю Христѣ́ Бо́же наш, сла́ва Тебе́.

Имене ра́ди Твоего́ потерпéх Тя, Го́споди, потерпé душá моя́ в сло́во Твое́, упová душá моя́ на Го́спода.

Отверзо́шася Тебе́ Го́споди, стра́хом врата́ смёртная, / врати́цы же а́довы ви́девше Тя, убо́яшася: / врата́ бо ме́дная сокруши́л еси́, / и вере́й желе́зные стерл еси́, / и извёл еси́ нас от тьмы и сéни смёртныя, // и у́зы на́ша растерза́л еси́.

На 4: От стра́жи у́тренняя до но́щи, от стра́жи у́тренняя да упова́ет Изра́иль на Го́спода.

Спаси́тельную песнь пою́ще, от уст возслéм: / прииди́те вси, в дому́ Господне́м припаде́м, глаго́люще: / на Дре́ве распни́йся, и из ме́ртвых воскреси́й, / и сый в не́драх О́тчих, // очи́сти грехи́ на́ша.

Стихиры праздника Триоди (Недели Мироносиц), глас 2:

Яко у Го́спода ми́лость, и мно́гое у Него́ избавле́ние, и Той изба́вит Изра́иля от всех беззако́ний его́.

Миронóсицы жены́, у́тру глубоку́, / арома́ты взёмша, Господня́ грóба достигóша, / я́же не наде́яхуся обрётша / помышля́ху благоговéюще ка́менному отвалéнию, / и друга́ ко друзéй глаго́лаху: / где суть печáти грóба; / где есть Пилáтова кустоди́а, и опа́сное утверже́ние? / Бысть же возвести́тель не разумева́ющим жена́м, / блиста́яйся А́нгел, и глаго́ляй к ним: / что с рыда́нием и́щите жива́го и оживотвори́вшаго род челове́ческий? / Воста́ Христóс Бог наш из ме́ртвых я́ко всеси́лен, / пода́й всем нам нетле́ние и жизнь, // просвещéние и ве́лию ми́лость.

На 2: Хвалите́ Го́спода вси язы́цы, похвалите́ Его́ вси лю́дие.

Почто́ ми́ра со слезáми, о учени́цы растворя́ете, / ка́мень отвали́ся, гроб исто́щися: / ви́дите тлю́ животóм попрáнную, / печáти свидéтельствующя́ я́вственно, / спя́щия лю́те стра́жники непокоривых, / смёртное спасéся плóтию Бóжиею, ад рыда́ет. / Тékша радóстию рцýте апóстолом: / умертви́вый смерть Христóс, перворождéн из ме́ртвых, // вас предваря́ет в Галилéи.

Яко утверди́ся ми́лость Его́ на нас, и и́стина Господня́ пребывáет во век.

Миронóсицы рáно бывша, / и гроб Твой со тцáнием дости́гша, / иска́ху Тебе́ Христé, во éже помáзати пречы́стое тéло Твое́. / И а́нгеловыми глаго́лы огласи́вшеся, / радостотворны́я óбразы апóстолом проповéдаху, / я́ко воскресé Нача́льник спасéния на́шего,

пленимый смерть,/ мiрови же даруяй живoт вeчный// и велию мiлoсть.

Слáва, глас 6:

Миронóсицы жeнi, грóба Твоегó достiгша,/ и печáти грóбныя видевша,/ не обрeтша же прeчiстаго тeлa Твоегó,/ рыдáющa со тщáнием приидóша, глагóлющa:/ кто укрáде нáше уповáние;/ кто взят мeртвa нáгa смiрною помáзана,/ Мáтери eдiно утешeние?/ О кáкo мeртвyя oживiмый умертвiся;/ ад пленимый, кáкo погребeся?/ Но воскреснi Спáсе самовлáстно,/ якоже рекл есi,// триднeвен, спасáяй дyши нáша.

И нýне, Богородичен догматик, глас 2:

Прeйде сeнь закóнная,/ блaгодáти пришeдши:/ якоже бо купинá не старáше опалeяема,/ тáкo Дeво родилá есi,/ и Дeвa пребылá есi./ Вмeсто столпá oгненнaго, прáведное возсия Сóлнце:/ вмeсто Моисeя, Христóс,// спасeние душ нáших.

СВЕТЕ ТИХИЙ

Свeте тiхий святýя слáвы, Безсмeртнaго, Отцá Нeбeснаго, Святáго Блажeннaго, Иисýсе Христe. Пришeдше на зáпад сóлнца, видевше свет вeчeрний, поeм Отцá, Сýна и Святáго Дýха, Бóга. Достóин есi во вся врeмeнá пeт бýти глáсы преподóбными, Сýне Бóжий, живoт дaяй, тeмже мiр Тя слáвит.

ПРОКIМЕН, ГЛАС 6:

Госпóдь воцарiся, в лeпoту облeчeся.

Стих: Облeчeся Госпóдь в сiлу и препоясася.

Госпóдь воцарiся, в лeпoту облeчeся.

Стих: Ибо утвердi вселeнную, яже не подвижится.

Госпóдь воцарiся, в лeпoту облeчeся.

Стих: Дóму Твоемý подобáет святýня, Гóсподи, в долготý дний.

Госпóдь воцарiся, в лeпoту облeчeся.

Гóсподи, помiлуй. 40.

Слáва, и нýне:

СПОДОБИ, ГОСПОДИ

Сподоби, Господи, в вечер сей без грехá сохранитися нам. Благословен еси, Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправдании Твоими.

Господи, милость Твоя во век, дел рукú Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

Господи, помилуй. 12.

Слава, и ныне:

СТИХИРЫ НА ЛИТИИ, ГЛАС 1

Мирносицы жены, ко гробу что приидоште;/ что ищите живаго в мертвых?// Воскресе Господь, дерзайте, вопиет Ангел.

Со страхом приидоша жены на гроб,/ ароматы тело Твое помазати тщасяся:/ и сие не обреше,/ недоумевашуса друга ко друзей, не ведуще Воскресения./ Но предста им Ангел, и рече:/ воскресе Христос,// даруй нам велию милость.

Приидоша на гроб Магдалина,/ и другая Марья ищуще Господа,/ и Ангела видеша яко молнию/ седяща на камени, и глаголюща им:/ что ищите живаго с мертвыми;/ воскресе, якоже рече:/ в Галилеи Его обрящете./ К Немú же возопийм:// воскресий из мертвых, Господи слава Тебе.

Слава, глас 6:

Проси Иосиф тело Иисусово,/ и положи е в новом своем гробе:/ подобаше бо Ему из гроба,/ яко от чертога проити./ Сокрушивый державу смерти,/ и отверзый врата райская человеком,// Господи слава Тебе.

И ныне, Богородичен воскресный, глас 6:

Творец и Избавитель мой, Пречистая,/ Христос Господь из Твоих ложесн прошед,/ в мя оболкийся,/ первыя клятвы Адама свободи./ Темже Ти, Всечистая,/ яко Божии Матери же и Деве,/ воистинну

вопиём немóлчно:/ раду́йся а́нгельски, раду́йся, Влады́чице,/ предста́тельство и покрóве, // и спасéние душ на́ших.

Гóсподи, помíлуй. 40.

Сла́ва, и ны́не:

СТИХИРЫ НА СТИХОВНЕ:

Стихи́ра воскресная, глас 2:

Воскресéние Твое́, Христé Спа́се,/ всю просветí вселénную,/ и призва́л еси́ Твое́ создáние, // Всесíльне Гóсподи, сла́ва Тебе́.

Стихи́ры Пасхи, глас 5.

Стих: Да воскрéснет Бог,/ и расточáтся вразí Егó.

Пáсха/ священная нам днесь показáся;/ Пáсха но́ва святáя;/ Пáсха та́инственная;/ Пáсха всечестна́я./ Пáсха Христóс Избáвитель;/ Пáсха непорóчная;/ Пáсха вели́кая;/ Пáсха вёрных./ Пáсха двéри ра́йския нам отверза́ющая. // Пáсха всех освяща́ющая вёрных.

Стих: Я́ко исчеза́ет дым,/ да исче́знут.

Приидíte/ от видéния жены́ благовéстницы,/ и Сиóну рцýте:/ приимí/ от нас раду́сти благовéщения, Воскресéния Христóва:/ красуйся, ликуй/ и раду́йся, Иерусали́ме,/ Царя́ Христá узрév из грóба, // я́ко жениха́ происходя́ща.

Стих: Та́ко да погíбнут грéшницы от Лица́ Бóжия,/ а пра́ведницы да возвеселя́тся.

Миронóсицы жены́,/ úтру глубоку́,/ предста́вша грóбу Живода́вца,/ обретóша А́нгела/ на ка́мени сидя́ща,/ и той провещáв им,/ сйце глаго́лаше:/ что и́щете Живáго с мёртвыми;/ что пла́чете Нетлénнаго во тли? // Шéдше, проповéдите ученикóм Егó.

Стих: Сей день, егóже сотвори Госпóдь,/ возра́дуемся и возвесели́мся в онь.

Пáсха красная,/ Пáсха, Госпóдня Пáсха!/ Пáсха всечестна́я/ нам возсия́. Пáсха,/ раду́стию друг дру́га обýмем./ О Пáсха!/ Избавлéние скóрби,/ и́бо из грóба днесь,/ я́ко от черто́га/ возсия́в Христóс,/ жены́ раду́сти испóлни, глаго́ля:/ проповéдите апóстолом.

Сла́ва, стихира праздника, глас 5:

**Тебе́, оде́ющагося све́том я́ко ризо́ю,/ снем Ио́сиф с Дре́ва с
Никоди́мом,/ и ви́дев ме́ртва на́га непогребённа,/ благосе́рдный плач
воспри́йм,/ рыда́я глаго́лаше:/ увы мне, сладча́йший Иису́се!/ Егóже
вма́ле со́лнце на Кресте́ ви́сима узр́евше,/ мра́ком облага́шеся,/ и
земля́ стра́хом колеба́шеся,/ и раздира́шеся церкóвная завеса:/ но се
ны́не ви́жду Тя,/ мене́ ра́ди волею подъя́мша смерть./ Ка́ко погребу́ Тя
Бо́же мой;/ или́ ка́ко плащани́цею обвию́;/ ко́има ли рука́ма
прикосну́ся нетле́нному Твоему́ те́лу;/ или́ кия́ пе́сни воспою́ Твоему́
исхо́ду, Ще́дре;/ велича́ю стра́сти Твоя́,/ песносло́влю и погребéние
Твое́, со Воскресе́нием, зовы́й:// Го́споди, сла́ва Тебе́.**

И ны́не, стихира Пасхи, глас 5.

**Воскресе́ния день,/ и просвети́мся торже́ством,/ и друг дру́га
обы́мем./ Рцем бра́тие,/ и ненави́дящим нас,/ прости́м вся
Воскресе́нием,/ и та́ко возопи́м:/ Христóс воскресе́ из ме́ртвых,/
сме́ртию смерть попра́в,// и су́щим во гробéх живóт дарова́в.**

Молитва святого Симеона Богоприимца

**Ны́не отпу́щаеши раба́ Твоего́, Влады́ко, по глаго́лу Твоему́ с ми́ром: я́ко
ви́деста о́чи мой спасе́ние Твое́, е́же еси́ угото́вал пред ли́цем всех люде́й,
свет во открове́ние язы́ков, и сла́ву люде́й Твои́х Изра́иля.**

Та́же:

**Святы́й Бо́же, Святы́й Кре́пкий, Святы́й Безсме́ртный, поми́луй нас.
Трижды, и три поклона.**

**Сла́ва Отцу́, и Сы́ну, и Свято́му Ду́ху, и ны́не и при́сно, и во ве́ки веко́в.
Ами́нь.**

**Пресвята́я Трóице, поми́луй нас: Го́споди, очисти́ грехи́ на́ша; Влады́ко,
прости́ беззако́ния на́ша; Святы́й, посети́ и исцели́ немо́щи на́ша, имене́
Твоего́ ра́ди.**

Го́споди, поми́луй. Трижды.

Сла́ва, и ны́не:

**О́тче наш, И́же еси́ на Небесе́х, да святи́тся и́мя Твое́, да при́дет
Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш
насущный даждь нам днесь; и оста́ви нам до́лги на́ша, я́коже и мы**

оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Богородице Дево, радуйся, Благодатная Марие, Господь с Тобю; благословенна Ты в женах, и благословен Плод чрева Твоего, яко Спаса родила еси душ наших. Трижды

Буди Имя Господне благословено от ныне и до века. Трижды.

Таже псалом 33:

Благословлю Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Немю и просветитесь, и лица ваша не постыдятся. Сей нищий воззва, и Господь услыша ю, и от всех скорбей его спасе ю. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Нь. Бойтесь Господа, вси святии Его, яко несть лишения боящимся Его. Богатии обнищаша и взалкаша, зыскающии же Господа не лишатся всякаго блага.

УТРЕНЯ

Христос воскрес из мертвых, смертию смерть поправ и сущим во гробех живот даровав. Трижды.

ШЕСТОПСАЛМИЕ

Слава в вышних Богу, и на земли мир, в человецех благоволение.
Трижды.

Господи, устне мои отверзешу, и уста моя возвестят хвалу Твою.
Дважды.

Псалом 3

Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующыя ми всуе: зубы грешников сокрушил еси. Господне есть спасение, и на людех Твоих благословение Твое.

Аз уснух, и спях, востах, яко Господь заступит мя.

Псалом 37

Господи, да не яростию Твоею обличиши мене, ниже гневом Твоим накажешо мене. Яко стрелы Твоя унзюша во мне, и утвердил еси на мне руку Твою. Нестъ исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наполнися поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобою все желание мое и въздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущии душу мою, и ищущии злая мне глаголаху суетная и лстивным весь день поучахуся. Аз же яко глух не слышах и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и внегда подвижатися ногам моим, на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попекуся о гресе моем. Врази же мой живут и укрепятся паче мене, и умножишася ненавидящии мя без правды. Воздающии ми злая възблагая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мой похвалите Тя. Тако благословлю Тя в животe моем, о имени Твоем воздежу рuce мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадоуюся. Прильпе душа моя по Тебе, мене же прият десница Твоя. Тии же всуе искаша душу мою, внидут в преисподняя земли, предадутся в руки оружия, части лисовом будут. Царь же возвеселится о

Бóже, похва́лится всяк клены́йся Им, я́ко заградíшася уста́ глаго́лющих неправедная.

На у́тренних поуча́хся в Тя. Я́ко был еси́ Помóщник мой, и в крóве крилу́ Твоею́ возра́дуюся. Прильпе́ душа́ моя́ по Тебе́, мене́ же прият десни́ца Твоя́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бóже. Трижды, без поклонов.

Гóсподи помíлуй. Трижды.

Сла́ва, и ны́не:

Псалом 87

Гóсподи Бóже спасéния моего́, во дни воззва́х, и в но́щи пред Тобóю. Да вни́дет пред Тя моли́тва моя́: приклони́ у́хо Твое́ к молéнию моему́, я́ко испóлнится зол душа́ моя́, и живóт мой аду прибли́жися. Привменéн бых с низходя́щими в ров, бых я́ко человек без пóмощи, в мёртвых свобóдь, я́ко я́звеннии спя́щии во грóбе, ихже не помяну́л еси́ ктому́, и тии от руки́ Твоея́ отринóвени бы́ша. Положи́ша мя в ро́ве преиспóднем, в тёмных и сéни смёртней. На мне утверди́ся я́рость Твоя́, и вся вóлны Твоя́ навёл еси́ на мя. Уда́лил еси́ зна́емых моих от мене́, положи́ша мя мёрзость себе́: прéдан бых и не исхожда́х. Óчи мой изнемогóсте от нищеты́, воззва́х к Тебе́, Гóсподи, весь день, воздéх к Тебе́ рúце мой. Еда́ мёртвыми твори́ши чудеса́? Или́ врача́еве воскреся́т, и испове́дятся Тебе́? Еда́ пове́сть кто во грóбе ми́лость Твою́, и и́стину Твою́ в погíбели? Еда́ познána бóдут во тьме чудеса́ Твоя́, и пра́вда Твоя́ в земли́ забвённой? И аз к Тебе́, Гóсподи, воззва́х и у́тро моли́тва моя́ предварíт Тя. Вску́ю, Гóсподи, отрéеши ду́шу мою́, отвраща́еши лице́ Твое́ от мене́? Нищ есмь аз, и в трудéх от ю́ности моея́; возне́с же ся, смири́хся, и изнемогóх. На мне преидóша гнёви Твои́, устрашéния Твоя́ возмутíша мя, обыдо́ша мя я́ко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых моих от страсте́й.

Гóсподи Бóже спасéния моего́, во дни воззва́х, и в но́щи пред Тобóю. Да вни́дет пред Тя моли́тва моя́: приклони́ у́хо Твое́ к молéнию моему́.

Псалом 102

Благослови́, душе́ моя́, Гóспода, и вся вну́тренняя моя́ и́мя свято́е Его́. Благослови́, душе́ моя́, Гóспода, и не забыва́й всех воздая́ний Его́, очища́ющаго вся беззакóнныя твоя́, исцеля́ющаго вся недúги твоя́, избавля́ющаго от ислéния живóт твой, венча́ющаго тя ми́лостию и щедро́тами, исполня́ющаго во благíх желáние твое́: обновíтся я́ко о́рля

юность твою. Твори́й ми́лостыни Господь, и судьбу́ всем обидимым. Сказа́ пути́ Своя́ Моисе́ови, сыновом Израилевым хотения́ Своя́: Щедр и Милостив Господь, Долготерпелив и Многомилостив. Не до конца́ прогне́вается, ниже́ во век вражду́ет, не по беззаконием нашим сотвори́л есть нам, ниже́ по грехом нашим воздалъ есть нам. Яко по высотé небесней от земли́, утверди́л есть Господь ми́лость Свою́ на боящихся Его́. Ели́ко отстоя́т востóцы от запа́д, удали́л есть от нас беззакония́ наша. Якоже ще́дрит отéц сыны, ущедри́ Господь боящихся Его́. Яко Той позна́ создание́ наше, помяну́, яко персть есмь. Человéк, яко трава́ дние его́, яко цвет сéльный, тако оцветéт, яко дух прóйде в нем, и не бóдет, и не позна́ет ктому́ мéста своего́. Ми́лость же Господня́ от вéка и до вéка на боящихся Его́, и прáвда Его́ на сынéх сынов, храня́щих заветъ Его́, и по́мнящих за́поведи Его́ твори́ти я́. Господь на Небеси́ угото́ва Престо́л Свой, и Цáрство Его́ все́ми облада́ет. Благослови́те Го́спода вси А́нгели Его́, си́льнии крéпостию, твори́щи сло́во Его́, услы́шати глас словéс Его́. Благослови́те Го́спода вся Си́лы Его́, слуги́ Его́, твори́щи волю́ Его́. Благослови́те Го́спода вся дела́ Его́, на вся́ком мéсте влады́чества Его́, благослови́, душе́ моя́, Го́спода.

На вся́ком мéсте влады́чества Его́, благослови́, душе́ моя́, Го́спода.

Псалом 142

Го́споди, услы́ши моли́тву мою́, внуши́ моление́ моё во и́стине Твое́й, услы́ши мя в прáвде Твое́й и не вни́ди в суд с рабóм Твои́м, яко не оправди́тся пред Тобóю всяк живы́й. Яко погна́ враг ду́шу мою́, смири́л есть в зéмлю живóт мой, посади́л мя есть в тёмных, яко мёртвыя вéка. И уны́ во мне дух мой, во мне смятéся сёрдце моё. Помяну́х дни дрéвния, поучи́хся во всех дéлех Твои́х, в творéниях руку́ Твое́ю поуча́хся. Воздéх к Тебé рúце мой, душа́ моя́, яко земля́ безводная Тебé. Скóро услы́ши мя, Го́споди, исчезé дух мой, не отврати́ лица́ Твоего́ от менé, и уподóблюся низходя́щим в ров. Слы́шану сотвори́ мне за́втра ми́лость Твою́, яко на Тя упова́х. Скажи́ мне, Го́споди, путь во́ньже пойду́, яко к Тебé взях ду́шу мою́. Изми́ мя от враг мои́х, Го́споди, к Тебé прибе́гох. Научи́ мя твори́ти волю́ Твою́, яко Ты еси́ Бог мой. Дух Твой Благо́й наста́вит мя на зéмлю прáву. Имене́ Твоего́ ра́ди, Го́споди, живи́ши мя, прáвдою Твое́ю изведéши от печáли ду́шу мою́. И ми́лостию Твое́ю потреби́ши враги́ моя́ и погуби́ши вся стужа́ющыя души́ моёй, яко аз раб Твой есмь.

Услы́ши мя, Го́споди, в прáвде Твое́й и не вни́ди в суд с рабóм Твои́м.

Услы́ши мя, Го́споди, в прáвде Твое́й и не вни́ди в суд с рабóм Твои́м.

Дух Твой Благо́й наста́вит мя на зéмлю прáву.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

Го́споди, помѝлуй. **12.**

Сла́ва, и ны́не:

БОГ ГОСПО́ДЬ И ТРОПА́РІ

Глас 2:

Бог Госпо́дь и яви́ся нам, благословѣ́н Грядѝ́й во ѝмя Госпо́дне.

Стих: Испове́дайтесь Го́сподеви, я́ко благ, я́ко в век мѝлость Егó.

Бог Госпо́дь и яви́ся нам, благословѣ́н Грядѝ́й во ѝмя Госпо́дне.

Стих: Обыше́дше обыдо́ша мя и ѝменем Госпо́дним противля́хся им.

Бог Госпо́дь и яви́ся нам, благословѣ́н Грядѝ́й во ѝмя Госпо́дне.

Стих: Не умру́, но жив бу́ду и повѣ́м дела́ Госпо́дня.

Бог Госпо́дь и яви́ся нам, благословѣ́н Грядѝ́й во ѝмя Госпо́дне.

Стих: Ка́мень, Егóже небрего́ша зи́ждущии, Сей бысть во главу́ у́гла, от Го́спода бысть Сей и есть дѝвен во очесе́х на́ших.

Бог Госпо́дь и яви́ся нам, благословѣ́н Грядѝ́й во ѝмя Госпо́дне.

ТРОПА́РЬ ВОСКРЕ́СНЫЙ, ГЛАС 2:

Егда́ снизше́л еси́ к сме́рти, Животе́ Безсме́ртный,/ тогда́ ад умертви́л еси́ блиста́нием Божества́;/ егда́ же и умерши́я от преиспо́дних воскресѝ́л еси́,/ вся Сѝлы Небе́сныя взыва́ху:// Жизнода́вче, Христé Бо́же наш, сла́ва Тебе́. *(Дважды)*

Сла́ва Отцу́ и Сы́ну и Свято́му Ду́ху.

ТРОПА́РЬ ПРА́ЗДНИКА ТРИО́ДИ (НЕДЕ́ЛИ МИРОНО́СИЦ), ГЛАС 2:

Благообра́зный Ио́сиф,/ с Дре́ва снем Пречи́стое Те́ло Твое́,/ плащани́цею чи́стою обви́в, и благоуха́ньми,/ во грóбе но́ве, закрѝ́в, положи́,/ но тридне́вен воскресл еси́, Го́споди,// пода́й мірови ве́лию мѝлость.

И ны́не и прѝсно и во ве́ки веко́в. Ами́нь.

ВТОРО́Й ТРОПА́РЬ ПРА́ЗДНИКА ТРИО́ДИ (НЕДЕ́ЛИ МИРОНО́СИЦ), ГЛАС 2:

Миронóсицам жена́м, при грóбе предста́в Ангел, вопия́ше:/ міра ме́ртвым суть прилі́чна,/ Христóс же истле́ния яви́ся чуждь./ Но возопѝ́йте: воскресé Госпо́дь,// пода́й мірови ве́лию мѝлость.

КАФЫЗМЫ И СЕДАЛЬНЫ

Господи, помилуй. Трижды

Слава, и ныне:

И чтем кафызму 2-ю (или один псалом, или до 1-й Славы)

Псалом 9

Исповемся Тебе, Господи, всем сердцем моим, повем вся чудеса Твоя. Возвеселюсь и возрадуюся о Тебе, пою имени Твоему, Вышний. Внегда возвратится врагу моему вспять, изнемогут и погибнут от лица Твоего. Яко сотворил еси суд мой и прю мою, сел еси на Престоле, судяй правду. Запретил еси языком, и погйбе нечестивый, имя его потребил еси в век и в век века. Врагу оскудеша оружия в конец, и грады разрушил еси, погйбе память его с шумом. И Господь во век пребывает, уготова на суд престол Свой, и Той судити иматъ вселенней в правду, судити иматъ людем в правоте. И бысть Господь прибежище убогому, помощник во благовремениих, в скорбех. И да уповают на Тя знающии имя Твое, яко не оставил еси взыскающих Тя, Господи. Пойте Господеви, живущему в Сионе, возвестите во языцех начинания Его, яко взыскай крови их помяну, не забы звания убогих. Помилуй мя, Господи, виждь смирение мое от враг моих, возносй мя от врат смертных, Яко да возвещу вся хвалы Твоя во вратех дщере Сиони, возрадуемся о спасении Твоем. Углебoша языцы в пагубе, юже сотвориша, в сети сей, юже скрыша, увязе нога их. Знаемъ есть Господь судьбы творяй, в делех руку своею увязе грешник. Да возвратятся грешницы во ад, вси языцы забывающии Бога. Яко не до конца забвен будет нищий, терпение убогих не погибнет до конца. Воскресни, Господи, да не крепится человек, да судятся языцы пред Тобю. Постави, Господи, законоположителя над ними, да разумют языцы, яко человецы суть. Вскую, Господи, отстоя далече, презираеши во благовремениих, в скорбех? Внегда гордиться нечестивому, возгарается нищий, увязают в советех, яже помышляют. Яко хвалимъ есть грешный в похотех души своея, и обидяй благословимъ есть. Раздражи Господа грешный, по множеству гнева своего не взыщет, несть Бога пред ним. Оскверняются путие его на всяко время, отъемлются судьбы Твоя от лица его, всеми враги своими обладает. Рече бо в сердце своем, не подвижуся от рода в род без зла, егоже клятвы уста его полна суть, и горести и лести, под языком его труд и болезнь. Приседит в ловительстве с богатыми в тайных, еже убити неповиннаго, очи его на нищаго призираете. Ловит в тайне яко лев во ограде своей, ловит еже восхитити нищаго, восхитити нищаго, внегда привлещи и. В сети своей смирит его, преклонится и падет,

внегда ему обладати убогими. Рече бо в сердце своем: забы Бог, отврати лице Свое, да не видит до конца. Воскресни, Господи Боже мой, да вознесется рука Твоя, не забуди убогих Твоих до конца. Чесо ради прогнева нечестивый Бога? Рече бо в сердце своем: не взыщет. Видиши, яко Ты болезнь и ярость смотриаши, да предан будет в руке Твоей, Тебе оставлен есть нищий, сиру Ты буди помощник. Сокруши мышцу грешному и лукавому, взыщется грех его и не обрящется. Господь Царь во век и в век века, погибнете, языцы, от земли Его. Желание убогих услышал еси, Господи, уготованию сердца их внят ухо Твое. Суди сиру и смирену, да не приложит ктому величаться человек на земли.

Псалом 10

На Господа уповах, како речете души моей: превитай по горам, яко птица? Яко се, грешницы налякоша лук, уготоваша стрелы в туле, состреляти во мраце правыя сердцем. Зане яже Ты совершил еси, они разрушиша, праведник же что сотвори? Господь во храме святем Своем. Господь, на небеси престол Его, очи Его на нищаго призираете, вежди Его испытаете сыны человеческия. Господь испытает праведнаго и нечестиваго, любяй же неправду ненавидит свою душу. Одождит на грешники сети, огонь и жупел, и дух бурен часть чаши их. Яко праведен Господь, и правды возлюбил, правоты виде лице Его.

Слава, и ныне:

Аллилуиа, аллилуиа, аллилуиа, слава Тебе, Боже. Трижды.

Господи, помилуй. 3.

Слава, и ныне:

Псалом 11

Спаси мя, Господи, яко оскуде преподобный, яко умалишася истины от сынов человеческих. Суетная глагола кийждо ко искреннему своему, устне льстивыя в сердце, и в сердце глаголаша злая. Потребит Господь вся устны льстивыя, язык велеречивый, рекшыя: язык наш возвеличим, устны наша при нас суть, кто нам Господь есть? Страсти ради нищих и воздыхания убогих ныне воскресну, глаголет Господь, положуся во спасение, не обвинюся о нем. Словеса Господня словеса чиста, сребро разжжено, искушено земли, очищено седмерицею. Ты, Господи, сохраниши ны и соблюдеши ны от рода сего и во век. Окрест нечестивии ходят, по высоте Твоей умножил еси сыны человеческия.

Псалом 12

Докóле, Гóсподи, забúдеши мя до концá? Докóле отвращáеши лицé Твоё от менé? Докóле положú советы в души моéй, болéзнии в сёрдце моём день и ночь? Докóле вознесётсá враг мой на мя? Призри, услыши мя, Гóсподи Бóже мой, просветí очи мой, да не когда усну в смерть, да не когда речёт враг мой, укрепíхся на него. Стужáющие ми возрадуются, áще подвижуся. Аз же на мýлость Твою уповáх, возрадуется сёрдце моё о спасéнии Твоём, воспою Гóсподеви благодéявшему мне и пою ýмени Гóспода Вúшняго.

Псалом 13

Речé безúмен в сёрдце своём: несть Бог. Раствлéша и омерзýшася в начинáнииих, несть творяй благостýню. Госпóдь с небесé приниче на сыны человекéския, видети, áще есть разумеváяй или́ взыскáяй Бóга. Всеи уклонíшася, вкупе неключíми бýша: несть творяй благостýню, несть до едýнаго. Ни ли́ уразумеют всеи дéлающие беззакóние, снадéющие лýди моя в снадь хлéба? Гóспода не призváша. Тáмо убойшася стрáха, идéже не бе страх, ýко Госпóдь в рóде прáведных. Совет нýщаго посрамýсте, Госпóдь же уповáние его́ есть. Кто даст от Сиóна спасéние Изрáилево? 8 Внегда возвратит Госпóдь пленéние людéй Своих, возрадуется Иáков, и возвеселитсá Изрáиль.

Слáва, и ны́не:

Аллилу́иа, аллилу́иа, аллилу́иа, слáва Тебé, Бóже. Трижды.

Гóсподи, помýлуй. 3.

Слáва, и ны́не:

Псалом 14

Гóсподи, кто обитáет в жили́щи Твоём? Или́ кто вселитсá во святýю гóру Твою? Ходяй непорóчен и дéлаяй прáвду, глаголяй ýстину в сёрдце своём. Иже не ульстí язы́ком своим и не сотвори́ ýскреннему своему́ зла, и поношéния не прият на блýжня своя. Уничижён есть пред ним лукавнуйя, боящыя же сá Гóспода слáвит, кленýйся ýскреннему своему́ и не отметáся. Сребрá своего́ не даде́ в ли́хву и мзды на неповíнных не прият. Творяй сия́ не подви́жится во век.

Псалом 15

Сохрани́ мя, Гóсподи, ýко на Тя уповáх. Рех Гóсподеви: Госпóдь мой еси́ Ты, ýко благих моих не трéбуеши. Святým, ýже суть на земли́ Его́, удивí Госпóдь все хотéния Своя́ в них. Умно́жишася нéмощи их, по сих ускори́ша: не соберу́ собóры их от кровéй, ни помяну́ же имён их устнáма моима. Госпóдь часть достоя́ния моего́ и чáши моея́, Ты еси́ устраяяй достоя́ние

моё мне. Ужя нападóша ми в держáвных мо́их, йбо достоя́ние моё держáвно есть мне. Благословлю́ Го́спода, вразуми́вшего мя, ещё́ же и до но́щи нака́заша мя утробы́ моя́. Предзрѣх Го́спода предо мно́ю вѣну, яко одесну́ю мене́ есть, да не подви́жуся. Сего́ ра́ди возвесели́ся се́рдце моё, и возра́довася язы́к мой, ещё́ же и плоть моя́ вселится́ на упова́нии. Яко не оста́виши ду́шу мою́ во а́де, ниже́ да́си преподо́бному Твоему́ ви́дети ислѣ́ния. Сказа́л ми еси́ путы́ животá, испол́ниши мя весѣ́лия с лицѣ́м Твои́м, красота́ в десни́це Твоёй в конце́.

Псалом 16

Услы́ши, Го́споди, пра́вду мою́, вонми́ моле́нию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мой да ви́дита правоты́. Искусил еси́ се́рдце моё, посетил еси́ но́щию, искусил мя еси́, и не обрѣ́теся во мне неправда́. Яко да не возглаго́лют уста́ моя́ дел челове́ческих, за словеса́ устен Твои́х аз сохрани́х путы́ же́стоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, яко услы́шал мя еси́, Бо́же, приклони́ у́хо Твоё́ мне и услы́ши глаго́лы моя́. Удиви́ ми́лости Твоя́, спаса́яй упова́ющыя на Тя от проти́влящихся десни́це Твоёй. Сохрани́ мя, Го́споди, яко зе́ницу о́ка, в крóве крилу́ Твоёю покрýеши мя. От лица́ нечести́вых остра́стших мя, врази́ мой ду́шу мою́ одержáша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свой возложи́ша уклонити́ на зе́млю. Объя́ша мя яко лев гото́в на лов и яко ски́мен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечести́ваго, ору́жие Твоё́ от враг руки́ Твоея́, Го́споди, от ма́лых от земли́, раздели́ я́ в животѣ́ их, и сокровѣ́нных Твои́х испол́нися чре́во их, насы́тишася сынóв, и оста́виша оста́нки младенце́м свои́м. Аз же пра́вдою явлю́ся лицу́ Твоему́, насы́щуся, внего́да явити́ ми ся сла́ве Твоёй.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

Го́споди, поми́луй. **3.**

Сла́ва, и ны́не:

По ка́фисме седа́льны, глас 2:

Ка́мень грóбный запеча́тати не возбранѣв,/ ка́мень ве́ры воскресѣ́й по́дал еси́ всем:// Го́споди сла́ва Тебе́.

Стих: Воскресни́ Го́споди Бо́же мой, да вознесѣ́тся рука́ Твоя́,/ не забуди́ убо́гих Твои́х до конце́.

Не́дро пречи́стое в вѣ́шних не исто́щивый,/ погребѣние и Воскресѣние о всех при́ял еси:// Го́споди сла́ва Тебе́.

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. **Ами́нь.**

Вся па́че смы́сла,/ вся пресла́вная Твоя́, Богоро́дице, та́инства,/ чистоте́ запеча́танней, и де́вству храни́му,/ Ма́ти позна́лася еси́ неложна,/ Бо́га ро́ждши и́стиннаго:// Того́ моли́, спасти́ся душам на́шим.

Го́споди, поми́луй. **Трижды**

Сла́ва, и ны́не:

И чтем кафи́сму 3-ю (или один псалом, или до 1-й Славы)

Псалом 17:

Возлюблю́ Тя, Го́споди, крѣпосте моя́. Господь утвержде́ние мое́, и прибе́жище мое́, и Изба́витель Мой, Бог мой, Помо́щник мой, и упова́ю на Него́, Защи́титель мой, и рог спасѣ́ния моего́, и Засту́пник мой. Хваля́ призову́ Го́спода и от враг мои́х спасу́ся. Одержаша мя болѣзнь смѣртныя, и пото́цы беззаконія смято́ша мя, болѣзнь а́довы обыдо́ша мя, предвари́ша мя се́ти смѣртныя. И вневгда́ скорбе́ти ми, призва́х Го́спода, и к Бо́гу моему́ воззва́х, услы́ша от хра́ма Свята́го Своего́ глас мой, и вопль мой пред Ним вни́дет во у́ши Его́. И подви́жеся, и трѣпетна бысть земля́, и основа́ния гор смято́шася и подвиго́шася, я́ко прогне́вася на ня Бог. Взы́де дым гнѣвом Его́, и огонь от лица́ Его́ воспла́менится, у́глие возгоре́ся от Него́. И приклоні́ небеса́, и сніде, и мрак под нога́ма Его́. И взы́де на Херуві́мы, и летѣ́, летѣ́ на крилу́ ветреню́. И положи́ тму закро́в Свой, о́крест Его́ селѣ́ние Его́, темна́ вода́ во о́блацех возду́шных. От облистáния пред Ним о́блацы проидо́ша, град и у́глие о́гненное. И возгреме́ с Небесе́ Господь и Вѣ́шний даде́ глас Свой. Низпосла́ стрѣлы и разгна́ я́, и мо́лнии умно́жи и смяте́ я́. И яви́шася исто́чницы водни́и, и откры́шася основа́ния вселѣ́нныя, от запрещѣ́ния Твоего́, Го́споди, от дохнове́ния ду́ха гнѣва Твоего́. Низпосла́ с высоты́, и при́ят мя, воспри́ят мя от вод мно́гих. Изба́вит мя от враго́в мои́х си́льных и от ненави́дящих мя, я́ко утверди́шася па́че мене́. Предвари́ша мя в день озлобле́ния моего́, и бысть Господь утвержде́ние мое́. И изведе́ мя на широту́, изба́вит мя, я́ко восхоте́ мя. И возда́ст ми Господь по правде́ мое́й и по чистоте́ руку́ моею́ возда́ст ми. Я́ко сохрани́х пути́ Господни́и и не нечѣствовах от Бо́га моего́. Я́ко вся судьбы́ Его́ предо мною́ и оправда́ния Его́ не отступи́ша от мене́. И буду́ непоро́чен с Ним, и сохраню́ся от беззаконія моего́. И возда́ст ми Господь по правде́ мое́й и по чистоте́ руку́ моею́ пред очима́ Его́. С преподо́бным преподо́бен бу́деши, и с

мужем неповинным неповинен будеши, и со избранным избран будеши, и со строптивым развратишия. Яко Ты люди смиренные спасеши и очи гордых смириши. Яко Ты просветиши светильник мой, Господи, Боже мой, просветиши тму мою. Яко Тобою избавлюся от искушения и Богом моим преиду стену. Бог мой, непорочен путь Его, словеса Господня разжжена, Защититель есть всех уповающих на Него. Яко кто бог, разве Господа? или кто бог, разве Бога нашего? Бог препоясуй мя силою, и положи непорочен путь мой. Совершаяй ноге мой, яко елени, и на высоких поставляяй мя. Научаяй руке мой на брань, и положи еси лук медян мшца моя. И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. Уширил еси стопы моя подо мною, и не изнеможете плесне моя. Пожену враги моя, и постигну я, и не возвращуся, дондеже скончаются. Оскорблю их, и не возмогут стати, падут под ногами моима. И препоясал мя еси силою на брань, спял еси вся востающыя на мя под мя. И врагов моих дал ми еси хребет, и ненавидящыя мя потребил еси. Возваша, и не бе спасаая: ко Господу, и не услыша их. И истню я яко прах пред лицом ветра, яко брение путей поглажду я. Избавиши мя от пререkania людей, поставиши мя во главу языков. Люди, ихже не ведех, работаша ми. В слух уха послушаша мя. Сынове чуждии солгаша ми. Сынове чуждии обетшаша и охромаша от стезь своих. Жив Господь, и благословен Бог, и да вознесется Бог спасения моего. Бог дай отмщение мне и покоривый люди под мя. Избавитель мой от враг моих гневливых, от востающих на мя вознесеши мя, от мужа неправедна избавиши мя. Сего ради исповемся Тебе во языцех, Господи, и имени Твоему пою: величаяй спасения царева, и творяй милость христу Своему Давиду, и семени его до века.

Слава, и ныне:

Аллилуиа, аллилуиа, аллилуиа, слава Тебе, Боже. Трижды.

Господи, помилуй. 3.

Слава, и ныне:

Псалом 18:

Небеса поведают славу Божию, творение же руку Его возвещает твердь. День дни отрыгает глагол, и ночь ночи возвещает разум. Не суть речи, ниже словеса, ихже не слышатся гласи их. Во всю землю изыде вещание их и в концы вселенныя глаголы их. В солнце положи селение Свое, и Той, яко Жених исходяй от чертога Своего, возрадуется, яко Исполн теши путь. От края небес исход Его, и сретение Его до края небес, и несть иже укрывается теплоты Его. Закон Господень непорочен, обращаая души, свидетельство

Госпóдне вѣрно, умудряющее младенцы. Оправдánия Госпóдня прáва, веселящая сѣрдце, заповедь Госпóдня светлá, просвещáющая óчи. Страх Госпóдень чист, пребывáяй в век вѣка: судьбы Госпóдни и́стинны, оправдány вкúпе, вожделѣнны пáче злáта и кáмене чѣстна мнóга, и слáждша пáче мѣда и сóта. Ёбо раб Твой хранит я, внемдá сохранити я, воздаяние мнóго. Грехопадѣния кто разумѣет? От тáйных мо́их очисти мя, и от чужд́их пощади рабá Твоегó, áще не облада́ют мно́ю, тогдá непорóчен б́уду и очи́щуся от грехá вели́ка. И б́удут во благоволе́ние словеса́ уст мо́их, и поучѣние сѣрдца моего́ пред Тобóю в́ыну, Гóсподи, Помóщниче мой и Избáвителью мой.

Псалóм 19:

Услы́шит тя Госпóдь в день печáли, заш́тит тя и́мя Бóга Иáковля. Пóслет ти пóмощь от Святáго и от Си́она заступит тя. Помянѣт вся́ку жѣртву твою́, и всесожжѣние твоѣ т́учно б́уди. Даст ти Госпóдь по сѣрдцу твоemú и весь совет твой испóлнит. Возра́дуемся о спасѣнии твоem и во и́мя Гóспода Бóга нáшего возвели́чимся. Испóлнит Госпóдь вся прошѣния твоá. Н́ине позна́х, я́ко спасѣ Госпóдь христá Своегó, услы́шит егó с Небесѣ Святáго Своегó, в с́илах спасѣние десни́цы Егó. Сии на колесни́цах, и сии на кóнех, мы же во и́мя Гóспода Бóга нáшего призовѣм. Т́ии спя́ти б́ыша и падóша, мы же воста́хом и испрáвихомся. Гóсподи, спаси́ царя́ и услы́ши ны, вóньже áще день призовѣм Тя.

Псалóм 20:

Гóсподи, с́илою Твоею́ возвеселит́ся царь и о спасѣнии Твоem возра́дуется зело́. Желáние сѣрдца егó дал еси́ ему́, и хотѣния устнóу егó неси́ лишыл егó. Я́ко предварыл еси́ егó благословѣнием благосты́нным, положи́л еси́ на главѣ егó венѣц от кáмене чѣстна. Животá проси́л есть у Тебѣ, и дал еси́ ему́ долготу́ дний во век вѣка. Вѣлия сла́ва егó спасѣнием Твоим, сла́ву и велелѣпие возложи́ши на негó. Я́ко дáси ему́ благословѣние во век вѣка, возвесели́ши егó рáдостью с лицѣм Твоим. Я́ко царь уповáет на Гóспода, и м́лостью В́ышняго не подви́жится. Да обрýщется рукá Твоя́ всем врагóм Твоим, десни́ца Твоя́ да обрýщает вся ненави́дящыя Тебѣ. Я́ко положи́ши их я́ко пещь óгненную во в́ремя лица́ Твоегó, Госпóдь гнѣвом Своим смятѣт я, и снѣсть их огонь. Плод их от земл́и погуби́ши, и сѣмя их от сынóв человѣческих. Я́ко уклони́ша на Тя злáя, помы́слиша советы, ихже не возмо́гут составити. Я́ко положи́ши я́ хребѣт, во изб́ытцех Твоих уготóвиши лице́ их. Вознеси́ся, Гóсподи, с́илою Твоею́, воспоѣм и поѣм с́илы Твоá.

Сла́ва, и н́ине:

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, поми́луй. 3.

Сла́ва, и ны́не:

Псалом 21:

Бо́же, Бо́же мой, вонми́ ми, вску́ю оста́вил мя еси́? Далече́ от спасе́ния моего́ словеса́ грехопадений мо́их. Бо́же мой, воззову́ во дни, и не услы́шиши, и в но́щи, и не в безу́мие мне. Ты же во Святе́м живёши, хвало́ Изра́илева. На Тя упова́ша отцы́ на́ши, упова́ша и изба́вил еси́ я́. К Тебе́ воззва́ша, и спасо́шася, на Тя упова́ша, и не постыде́шася. Аз же есмь червь, а не челове́к, поноше́ние челове́ков и уничиже́ние люде́й. Все ви́дящие мя поруга́ша ми ся, глаго́лаша устна́ми, покива́ша главо́ю: упова́ на Го́спода, да изба́вит его́, да спасе́т его́, я́ко хо́щет его́. Я́ко Ты еси́ исто́ргий мя из чре́ва, упова́ние моё́ от сосцу́ ма́тере моея́. К Тебе́ приве́ржен есмь от ложе́сн, от чре́ва ма́тере моея́ Бог мой еси́ Ты. Да не отсту́пиши от мене́, я́ко скорбь́ близ, я́ко несть помога́яй ми. Обыдо́ша мя тельцы́ мно́зи, юнцы́ тучни́и одержа́ша мя. Отверзо́ша на мя уста́ своя́, я́ко лев восхища́яй и рыка́яй. Я́ко вода́ изли́хся, и разсы́пашася вся ко́сти моя́, бысть се́рдце моё́ я́ко воск, та́яй посреде́ чре́ва моего́. И́зше я́ко скуде́ль кре́пость моя́, и язы́к мой прильпе́ горта́ни моему́, и в персть сме́рти свел мя еси́. Я́ко обыдо́ша мя пси мно́зи, сонм лука́вых одержа́ша мя, ископа́ша ру́це мои́ и но́зе мои́. И́счето́ша вся ко́сти моя́, тии́ же смотре́ша и презре́ша мя. Раздели́ша ри́зы моя́ себе́, и о оде́жди мое́й мета́ша жребий. Ты же, Го́споди, не удали́ по́мощь Твою́ от мене́, на заступле́ние моё́ вонми́. Иза́ви от ору́жия ду́шу мою́, и из руки́ пе́сии единоро́дную мою́. Спаси́ мя от уст льво́вых и от рог единоро́жь смире́ние моё́. Повём́ имя́ Твое́ бра́тии мое́й, посреде́ це́ркве воспою́ Тя. Бо́ящиися Го́спода, восхвалите́ Его́, все се́мя Иа́ковле, просла́вите Его́, да убойт́ся же от Него́ все се́мя Изра́илево. Я́ко не уничи́жи, ниже́ негодова́ моли́твы ни́щаго, ниже́ отврати́ лице́ Своё́ от мене́, и егда́ воззва́х к Нему́, услы́ша мя. От Тебе́ похвала́ моя́, в це́ркви вели́цей испове́мся Тебе́, моли́твы моя́ возда́м пред бо́ящимися Его́. Яды́т убóзии и насы́тятся, и восхва́лят Го́спода взыска́ющие Его́, жива́ бу́дут се́рдца их в век ве́ка. Помяну́тся и обрат́ятся ко Го́споду все концы́ земли́, и покло́нятся пред Ним́ вся оте́чествия язы́к. Я́ко Госпо́дне есть ца́рствие, и Той облада́ет язы́ки. Ядо́ша и поклон́шася все тучни́и земли́, пред Ним́ припаду́т все низходя́щие в зе́млю, и душа́ моя́ Тому́ живёт. И се́мя моё́ порабо́тает Ему́, возвестит́ Го́сподеви́ род гряду́щий. И возвестят́ пра́вду Его́ лю́дем ро́ждшымся, я́же сотвори́ Госпо́дь.

Псалом 22:

Господь пасёт мя, и ничтоже мя лишит. На месте злачне, тамо всели мя, на воде покойне воспитá мя. Душу мою обрати, настáви мя на стези правды, имене ради Своего. Аще бо и пойду посреде сени смертныя, не убоюся зла, яко Ты со мною еси, жезл Твой и палица Твоя, та мя утешиста. Уготовал еси предо мною трапезу сопротив стужающим мне, умастил еси елеем главу мою, и чаша Твоя упоявajúщи мя, яко державна. И милость Твоя поженёт мя вся дни живота моего, и еже вселити ми ся в дом Господень, в долготу дней.

Псалом 23:

Господня земля, и исполнение ея, вселенная и вси живущии на ней. Той на морях основал ю есть, и на реках уготовал ю есть. Кто взыдет на гору Господню? или кто станет на месте святем Его? Неповинен руками и чист сердцем, иже не прият всеу душу свою, и не клятса лестию искреннему своему. Сей примет благословение от Господа, и милостыню от Бога, Спаса своего. Сей род ищущих Господа, ищущих лице Бога Иаковля. Возмите врата князи ваша, и возмьтесе врата вечная, и внидет Царь славы. Кто есть сей Царь славы? Господь крепок и силен, Господь силен в брани. Возмите врата князи ваша, и возмьтесе врата вечная, и внидет Царь славы. Кто есть сей Царь славы? Господь сил, Той есть Царь славы.

Слава, и ныне:

Аллилуиа, аллилуиа, аллилуиа, слава Тебе, Боже. **Трижды.**

Господи, помилуй. **3.**

Слава, и ныне:

По кафисме седальны, глас 2:

Мирносицы утро пришедшия, / и гроб тощ видевшия, апостолом глаголаху: / тление низложит державный, / и сущия во аде исхити уз: / проповедите дерзновением, яко воскресе Христос Бог, // даруяй миру велию милость.

Стих: Исповемся Тебе Господи всем сердцем моим, / повем вся чудеса Твоя.

Мирны погребения Твоего жены носяща, / тай ко гробу приидоша уранше, / иудейския боящися дерзости, / и воинов предзряще утверждение. / Но естество немощное мужество победи, / яко намерение милостивное Богу угодит. / Прилично убо зываху: / воскресни Господи, помози нам, // и избави нас славы ради имене Твоего.

Слава Отцу и Сыну и Святому Духу и ныне и присно и во веки веков. **Аминь.**

Препрославлена еси Богородице Дево, поем Тя:/ Крестом бо Сына Твоего низложися ад/ и смерть умертвися:/ умерщвлении востяхом и живота сподобихомся,/ рай восприяхом древнее наслаждение./ Тем благодаряще славословим,/ яко державнаго Христа Бога нашего,// и единого Многомилостиваго.

НЕПОРОЧНЫ

Избранны стихи из псалма 118: глас 5

Блажени непорочнии в путь, ходящи в законе Господни. Блажени испытующии свидения Его, всем сердцем взыщут Его, не делающие бо беззакония, в путех Его ходиша. Ты заповедал еси заповеди Твоя сохранить зело. Дабы исправилися путие мой, сохранить оправдания Твоя. Тогда не постыжуся, внегда призрети ми на вся заповеди Твоя. Исповемся Тебе в правости сердца, внегда научити ми ся судьбам правды Твоея. Оправдания Твоя сохраню, не остави мене до зела. В чем исправит юнейший путь свой? Внегда сохранить словеса Твоя. Всем сердцем моим взысках Тебе, не отрини мене от заповедей Твоих. В сердце моем скрых словеса Твоя, яко да не согрешу Тебе. Благословен еси, Господи: научи мя оправданием Твоим.

ТРОПАРИ ВОСКРЕСНЫ ПО НЕПОРОЧНАХ, ГЛАС 5:

Благословен еси, Господи, научи мя оправданием Твоим.

Ангельский собор удивися, / зря Тебе в мертвых вменившася, / смертную же, Спасе, крепость разоривша, / и с Собою Адама воздвигша, / и от ада вся свободждша.

Благословен еси, Господи, научи мя оправданием Твоим.

Почто мира с милостивными слезами, / о ученицы, растворяете? / Блистаяйся во гробе Ангел мирносицам вещаше: / видите вы гроб и уразумейте, / Спас бо воскресе от гроба.

Благословен еси, Господи, научи мя оправданием Твоим.

Зело рано мирносицы течаху / ко гробу Твоему рыдающая, / но предста к ним Ангел и рече: / рыдания время преста, не плачите, / воскресение же апостолом рците.

Благословен еси, Господи, научи мя оправданием Твоим.

Миронóсицы жены́ с мíры пришéдшия / ко грóбу Твоему́, Спа́се, рыда́ху, / А́нгел же к ним рече́, глаго́ля: / что с ме́ртвыми жива́го помышля́ете? / Я́ко Бог бо, воскресе́ от грóба.

Сла́ва: Поклонíмся Отцу́ / и Егó Сы́нови, и Свято́му Ду́ху, / Святе́й Трóице во еди́ном существе́, / с Серафíмы зову́ще: / Свят, Свят, Свят еси́, Го́споди.

И ны́не: Жизнода́вца ро́ждши, / греха́, Де́во, Ада́ма изба́вила еси́, / ра́дость же Ё́ве / в печа́ли ме́сто подала́ еси́, / па́дшия же от жи́зни / к сей напра́ви / из Тебе́ воплотíвыйся Бог и Чело́век.

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, поми́луй. Трижды.

Сла́ва, и ны́не:

Ипакóй пра́здника Трíoди (Неде́ли Миронóсиц), глас 2:

По стра́сти шéдша во гроб жены́, / во е́же помáзати тéло Твое́, Христé Бо́же, / вíдеша а́нгелы во грóбе, и ужасóшася: / глас бо слы́шаху от них, я́ко воскресе́ Господь, // да́руя мíрови вéлию мíлость.

СТЕПÉННЫ:

Антифóн 1, глас 2:

На не́бо óчи пу́щаю моего́ се́рдца, к Тебе́, Спа́се, // спасí мя Твои́м осия́нием.

Поми́луй нас согреша́ющих Тебе́ мно́го, / на всякий час, о Христé мой, // и даждь óбраз пре́жде конца́ пока́ются Тебе́.

Сла́ва, и ны́не: Свято́му Ду́ху, Е́же ца́рствовати подобáет, / освяща́ти, подви́зати тварь: // Бог бо есть, Единосу́щен Отцу́ и Сло́ву.

Антифóн 2:

А́ще не Господь бы́ был в нас, / кто дово́лен цел сохранён бы́ти от врага́, // кúпно и чело́векоуби́йцы?

Зубóм их не преда́ждь, Спа́се, Твоегó раба́: // íбо льво́вым óбразом на мя подви́зáются врази́ мой.

Сла́ва, и ны́не: Свято́му Ду́ху живонача́лие и честь: / вся бо создáнная, / я́ко Бог сый síлою, // соблюда́ет во Отце́, Сы́ном же.

Антифóн 3:

Надёющиися на Гóспода, уподóбишася горé святéй:// íже ника́коже двíжутся прилóги вра́жими.

В беззакóнии рук сво́их да не прóструт божéственне живúщи:// не оставя́ет бо Христóс жезлá на жрéбии Своём.

Слáва, и ны́не: Святы́м Дúхом тóчится вся́ка премúдрость:/ отсю́ду благодáть апóстолом, // и страдáльчества венча́ются мúченицы, и проро́цы зрят.

ПРОКÍМЕН, ГЛАС 2:

Востáни, Гóсподи, Бóже мой, повелéнием, íмже заповéдал ес́и,/ и сонм людéй обы́дет Тя.

Стих: Гóсподи Бóже мой, на Тя упова́х, спас́и мя.

Востáни, Гóсподи, Бóже мой, повелéнием, íмже заповéдал ес́и,/ и сонм людéй обы́дет Тя.

Гóсподи, помíлуй.

Слáва, и ны́не:

Вся́кое дыха́ние да хва́лит Гóспода.

Стих: Хвалíte Бóга во святýх Его́, хвалíte Его́ в утвер́жении сýлы Его́.

Вся́кое дыха́ние да хва́лит Гóспода.

Гóсподи, помíлуй. Трижды.

Слáва, и ны́не:

От Марка свята́го Евáнгелия чтéние.

Слáва Тебе́, Гóсподи, сла́ва Тебе́.

И ЧТЕМ ЕВÁНГЕЛИЕ ВОСКРЕСНОЕ 3-Е:

Мк., 71 зач., XVI, 9-20.

Во вре́мя о́но воскрeс Иисýс заúтра, в пёрвую суббóту, яв́ися прéжде Марíи Магдали́ни, из нея́же изгна́ семь бесóв. Она́ же шéдши возвест́и с Ним б́ывшим, пла́чущимся и рыда́ющим. И онí слы́шавше, я́ко жив есть, и в́иден бысть от нея́, не я́ша véры. По сих же двема́ от них грядúщема яв́ися инём óбразом, идúщема на селó. И та шéдша возвест́иста прóчим: и ни тéма véры я́ша. Послед́и же возлежа́щим им единомунáдесяте яв́ися, и поноси́ невер́ствию их и жестосéрдию, я́ко в́идевшим Его́ востáвша не я́ша véры. И рече́ им: шéдше в мир весь, проповéдите Евáнгелие всей твáри. Íже véру имéт и крест́ится, спасён

бўдет, а ѿже не имѣт вѣры, осужден бўдет. Знаменія же вѣровавшим сѣя послѣдуют: ѿменем Моим бѣсы ижденут; язѣки возглаголют новы; змѣя возмут; аще и что смертно испиют, не вредит их; на недужныя рѣки возложат, и здрави бѣдут. Господь же ѹбо, по глаголаніи Его к ним, вознесѣся на небо, и сѣде одеснѹю Бога. Онѣ же изшедше проповѣдаша всѹду, Господу поспѣшствующу и слово утверждающу послѣдствующими знаменіи. Аминь.

Русский перевод: В то время воскреснув рано в первый день недели, Иисус явился сперва Марии Магдалине, из которой изгнал семь бесов. Она пошла и возвестила бывшим с Ним, плачущим и рыдающим; но они, услышав, что Он жив и она видела Его, - не поверили. После сего явился в ином образе двум из них на дороге, когда они шли в селение. И те, возвратившись, возвестили прочим; но и им не поверили. Наконец, явился самим одиннадцати, возлежавшим на вечери, и упрекал их за неверие и жестокосердие, что видевшим Его воскресшего не поверили. И сказал им: идите по всему миру и проповедуйте Евангелие всей твари. Кто будет веровать и креститься, спасен будет; а кто не будет веровать, осужден будет. Уверовавших же будут сопровождать сии знаменія: именем Моим будут изгонять бесов; будут говорить новыми языками; будут брать змеи; и если что смертоносное выпьют, не повредит им; возложат руки на больных, и они будут здоровы. И так Господь, после бесѣдованія с ними, вознесѣся на небо и воссел одеснѹю Бога. А они пошли и проповѣдовали вездѣ, при Господнем содействіи и подкрѣпленіи слова послѣдующими знаменіями. Аминь.

Слава Тебѣ, Господи, слава Тебѣ.

Воскресѣніе Христово видевше, поклонимся Святому Господу Иисусу, единому Безгрѣшному. Кресту Твоему поклоняемся, Христѣ, и святѣе Воскресѣніе Твое поѣм и славим: Ты бо еси Бог наш, разве Тебѣ иного не знаем, имя Твое именуем. Приидите, вси вѣрнии, поклонимся святому Христову Воскресѣнію: сѣ бо прииде Крестом радость всему миру. Всегда благословяще Господа, поѣм Воскресѣніе Его: распятіе бо претерпѣв, смѣртію смѣрть разруши. Трижды.

Псалом 50 с припѣвами

Псалом 50

Помилуй мя, Бѣже, по велицей милости Твоей, и по множеству щедрѣт Твоих очисти беззаконіе мое. Наипаче омый мя от беззаконія моего, и от грѣха моего очисти мя; яко беззаконіе мое аз знаю, и грѣх мой предо мною есть вина. Тебѣ единому согрѣших, и лукавое пред Тобѣю сотворих; яко да оправдишися во словесех Твоих, и победиши, внигда судити Ти. Сѣ бо в беззаконіих зачат есмь, и во грѣсех роди мя мати моя. Сѣ бо истину

возлюбил еси, безвестная и тайная премудрости Твоея явил ми еси. Окропиши мя иссопом, и очищуся; омыши мя, и паче снега убелюся. Слуху моему даши радость и веселие; возрадуются кости смиренные. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Слава:

Молитвами апостолов, Милостиве, очисти множества беззаконий наших.

И ныне:

Молитвами Богородицы, Милостиве, очисти множества беззаконий наших.

Таже, глас 6:

Помилуй мя, Боже, по велицей милости Твоей, и по множеству щедрот Твоих, очисти беззаконие мое.

Стихира, глас тойже:

Воскрес Иисус от гроба, якоже прорече, даде нам живот вечный и велию милость.

Господи, помилуй. 12.

Слава, и ныне:

КАНОН

Песнь 1

Канон Пасхи, глас 1

Ирмос: Воскресения день, / просветимся, людие. / Пасха, Господня Пасха: / от смерти бо к жизни, / и от земли к небеси, / Христос Бог нас преведе, // победную поющия.

Припев: Христос воскрес из мертвых.

Очистим чувства, и узрим/ неприступным светом/ Воскресения, Христа/ блистающая,/ и радуйтесь, рекуща,/ ясно да услышим,// победную поюще.

Припев: Христос воскрес из мертвых.

Небеса́ убо достойно да веселя́тся,/ земля́ же да радуется,/ да празднует же мир,/ ви́димый же весь и неви́димый:/ Христос бо воста́,// веселие вечно́е.

Припев: Пресвятая Богородице, спаси нас.

Умерщвления предел сломила еси,/ вечную жизнь рождающая Христа,/ из гроба возсиявшего днесь,/ Дево Всенепорочная,// и мир просветившего.

Припев: Пресвятая Богородице, спаси нас.

Воскресшего видевши Сына Твоего и Бога,/ радуйся со апостолы Богоблагодатная Чистая:/ и еже радуйся первее,/ яко всех радости вина, восприяла еси,// Богомати Всенепорочная.

Канон праздника Триоди (Недели Мироносиц), глас 2:

Припев: Слава Тебе, Боже наш, слава Тебе.

Распялся еси плотию, безстрастный естеством Отчим:/ прободен был еси в ребра, источивый миру кровь и воду:// Ты Бог наш, и прославляем Тя.

Припев: Слава Тебе, Боже наш, слава Тебе.

Крест Твой почитаю, и погребение славолю Блаже,/ и пою, и поклоняюся востанию Твоему, и взываю:// Ты Бог наш, и прославляем Тя.

Припев: Слава Тебе, Боже наш, слава Тебе.

Аще и вкусил еси желчи, сладосте церковная,/ но источил еси нам нетление от ребр Твоих:// Ты Бог наш, и прославляем Тя.

Припев: Слава Тебе, Боже наш, слава Тебе.

Вменился еси, Спасе, с мертвыми, мертвые воздвигнувший,/ вкусил еси тли:/ истления бо всяко не познал еси:// Ты Бог наш, и прославляем Тя.

Припев: Слава Тебе, Боже наш, слава Тебе.

**Да веселится Сион, да радуется и небо,/ воскрес Христос, мертвые
воздвигнувший, песнословящий:// Ты Бог наш, и прославляем Тя.**

Припев: Слава Тебе, Боже наш, слава Тебе.

**Предваривши утро жены, видела Христа,/ и божественным
вопием учеником:/ воистинно Христос воскрес,// приидите с нами
воспойте Его.**

Слава Отцу и Сыну и Святому Духу.

**Всвятая Троице, едино Божество, безначальная Единице,/ Отче и
Сыне и Божественный Духе, спасай мир:// Ты Бог наш, и прославляем
Тя.**

И ныне и присно и во веки веков, аминь.

Богородичен: Древнюю клятву разрешивши, Чистая, во утробе
Твоей/ возрастала еси нам благословение, Младенца родивши:// Сей
бо Бог, аще и плоть носит.

Катавасия Пасхи: Воскресения день, /просветимся, людие. / Пасха,
Господня Пасха, / от смерти бо к жизни, / и от земли к небеси, / Христос
Бог нас преведе, //победную поюция.

Песнь 3:

Канон Пасхи, глас 1:

Ирмос: Приидите, пиво пием новое,/ не от камене неплодна
чудодеемое,/ но нетления источник/ из гроба оодживша Христа,// в
Немже утверждаемса.

Припев: Христос воскрес из мертвых.

**Ныне вся исполнишася света,/ небо же и земля, и преисподняя:/ да
празднует убо вся тварь/ востание Христова,// в немже утверждается.**

Припев: Христос воскрес из мертвых.

**Вчера спогребохся Тебе Христе,/ совостаю днесь/ воскресшу Тебе,
сраспинахся Тебе вчера,// Сам мя прослави Спасе во Царствии Твоем.**

Припев: Пресвятая Богородице, спаси нас.

**На нетленную жизнь приходяду днесь/ благодатию рождаемого из
Тебе, Чистая,// и всем концем свет облиставшаго.**

Припев: Пресвятая Богородице, спаси нас.

Бóга, Егóже родила́ еси́ плóтию,/ из мёртвых, я́коже рече́,/ воста́вша ви́девши, Чíстая, лику́й, // и Сего́ я́ко Бóга Пречíстая возвелича́й.

Канон праздника Троицы (Недели Мироносиц), глас 2:

Припéв: Сла́ва Тебе́, Бо́же наш, сла́ва Тебе́.

Дла́ни на Кресте́ просте́рл еси́ Иису́се,/ язы́ки вся от преле́сти собра́в, // к позна́нию Твоему́ созва́л еси́ Спа́се.

Припéв: Сла́ва Тебе́, Бо́же наш, сла́ва Тебе́.

Иуде́йстии лю́дие Пилату́ вопи́ют:/ отпу́сти нам злоде́йственнаго разбо́йника, // возми́, возми́, распни́ Безгре́шнаго.

Припéв: Сла́ва Тебе́, Бо́же наш, сла́ва Тебе́.

Распе́ншуся Тебе́, Христе́, помрачи́ся свет, земля́ потрясе́ся, // и из гробо́в мёртвии воста́ша мно́зи, стра́хом держа́вы Твоея́.

Припéв: Сла́ва Тебе́, Бо́же наш, сла́ва Тебе́.

Предсто́ящи Кресту́ А́гница Твоя́, Иису́се, пла́чем вопи́яше:/ ка́мо и́деша, Сы́не; // ка́мо гряде́ши, А́гнче, за всех закла́вись?

Припéв: Сла́ва Тебе́, Бо́же наш, сла́ва Тебе́.

Воскресе́шу Тебе́, Христе́,/ сокруши́шася вере́и и врата́ а́дова, // и сме́ртныя у́зы разруши́шася, а́бие стра́хом держа́вы Твоея́.

Припéв: Сла́ва Тебе́, Бо́же наш, сла́ва Тебе́.

Да ра́дуется с на́ми ученико́в двенадесе́ятица,/ с мирно́сицами жена́ми и Ио́сифом, // и со други́ми учени́ки и учени́цами Христо́выми.

Сла́ва Отцу́ и Сы́ну и Свято́му Ду́ху.

Трои́чен: Со Отце́м и Сы́ну и Ду́ху Пра́вому,/ еди́ному Есте́ству́ покланя́юся и воспева́ю, // Ли́цы разделя́я, и Суще́ством соединя́я.

И ны́не и прísно и во ве́ки веко́в, ами́нь.

Богородичен: Блаже́нна еси́, Чíстая, из ко́рене Иессе́ова су́щая, // из негóже жезл и цвет Христа́, по плóти нас ра́ди возрасти́вшая.

Катава́сия Пасхи: Прииди́те, пи́во пи́ем но́вое, / не от ка́мене непло́дна чудодее́мое, / но нетле́ния исто́чник / из грóба одожди́вша Христа́, // в Не́мже утвержда́емся.

Господи, поми́луй. Трижды.

Сла́ва, и ны́не:

Кондак Пасхи, глас 8:

Аще и во гроб снизшел еси, Безсмертне, / но адову разрушил еси силу, / и воскресл еси, яко победитель, Христэ Боже, / женам мироносицам вещавый: радуйтесь, / и Твоим апостолом мир даруяй, // падшим подай воскресение.

Икос:

Еже прежде солнца Солнце зашедшее иногда во гроб, / предвариша ко утру, ищущия яко дне мироносицы девы, / и друга ко друзей вопияху: / о другини! Приидите, вонями помажем тело живоносное и погребенное, / плоть воскресившаго падшаго Адама, лежащую во гробе. / Идем, потщимся якоже волсви, и поклонимся, / и принесем мира яко дары, не в пеленах, но в плащанице обвитому, / и плачим, и возопиим: о Владыко, востани, // падшим подай воскресение.

Седален праздника Триоди, глас 2

(Недели Мироносиц)

Мира тепле гробу приносят жены, Спасе, / Ангела светлостию души веселяху, / и Бога Тя всех проповедаху, и учеником вопияху: // воистинну воскресе из гроба всех Жизнь.

Слава Отцу и Сыну и Святому Духу и ныне и присно и во веки веков, аминь.

Другой седален праздника Триоди, глас 2

(Недели Мироносиц)

Учеников Твоих лик с мироносицами женами радуется согласно: / общий бо праздник с ними празднуют, / в славу и честь Твоего Воскресения. / И теми вопием Ти, Человеколюбче Господи: // людем Твоим подаждь велию милость.

Песнь 4

Канон Пасхи, глас 1

Ирмос: На Божественней стражи / богоглаголивый Аввакум / да станет с нами и покажет / светоносна Ангела / ясно глаголюща: / днесь спасение миру, / яко воскресе Христос, // яко всесильен.

Припев: Христос воскрес из мертвых.

Мужеский убо пол, / яко разверзый девственную утробу, / явился Христос: / яко человек же, / Агнец наречется: / непорочен же, / яко

невкусен скверны,/ наша Пасха,/ и яко Бог истинен// совершен речеся.

Припев: Христос воскрес из мертвых.

Яко единоклетный агнец,/ благословенный нам венец Христос,/ волею за всех заклан бысть,/ Пасха очистительная,/ и паки из гроба красное// правды нам возсия Солнце.

Припев: Пресвятая Богородице, спаси нас.

Создавший Адама, Твоего праотца, Чистая,/ зиждется от Тебе,/ и смертное жилище разори Своею смертию днесь,/ и озари вся// божественными блистаньями воскресения.

Припев: Пресвятая Богородице, спаси нас.

Егоже родила еси Христа,/ прекрасно из мертвых возсиявша, Чистая, зрящи,/ добрая и непорочная в женах и красная,/ днесь во спасение всех,// со апостолы радующися, Того прославляй.

Канон праздника Троицы (Недели Мироносиц), глас 2:

Припев: Слава Тебе, Боже наш, слава Тебе.

Крестом пленил еси адово чрево,/ и совоздвигл еси мертвые,/ и смерти разрушил еси мучительство:/ темже иже от Адама поклоняющиеся,// поем погребение Твое и востание Христе.

Припев: Слава Тебе, Боже наш, слава Тебе.

Благоволывый, Спасе наш,/ за благоутробие милости пригвоздятся на Кресте,/ и от праотчия избавити ны клятвы,/ разреши узы многих моих согрешений:// можеш бо, елика хощеш, творити.

Припев: Слава Тебе, Боже наш, слава Тебе.

На Кресте пригвоздивый мою древнюю клятву,/ и источивый мне, Спасе, благословение кровию от ребр Твоих,/ разреши узы многих моих согрешений:// можеш бо, елика хощеш, творити.

Припев: Слава Тебе, Боже наш, слава Тебе.

Ад Спасе, срет Тя в преисподних, огорчися/ помышляя, яко иже древле пожрети возможий,/ ныне волею отдав, истязуется в дольних,// и пленяемь и обнажаемь бывает мертвых.

Припéв: Сла́ва Тебе́, Бо́же наш, сла́ва Тебе́.

Вои́стинну постыди́теся беззако́ннии,/ Христо́с бо воскресе́, и совоздв́иже ме́ртвыя, зовы́й:/ дерза́йте, аз победи́х мир./ Ве́руйте у́бо Ему́, или́ умолчи́те лестцы́, // отме́тающиися Воскресе́ния Его́.

Припéв: Сла́ва Тебе́, Бо́же наш, сла́ва Тебе́.

Ио́сифа благообра́знаго,/ ревно́теля благоче́стия, сове́тника и учени́ка,/ с миронóсицами почт́им, и апо́столами, зову́ще с ними, // и ве́рно воспева́юще Спа́сово Воскресе́ние све́тло.

Сла́ва Отцу́ и Сы́ну и Свято́му Ду́ху.

Пресу́щнаго Божества́ неразде́льную сла́ву, кто возмо́жет изрещи́?/ Еди́но бо Естество́м су́щи Трóица поётся безнача́льная,/ срáсленная я́ко Еди́ница, // в Трóице пева́емая Ипостáсьми просты́ми.

И ны́не и прýсно и во ве́ки веко́в, ами́нь.

Богородичен: Во чре́во Твое́ всельша́гося безму́жно ро́ждшая, Ма́ти Де́во Чы́стая,/ непреста́нно моли́, я́ко Богоро́дица,/ разреши́ти узы́ мно́гих мои́х согреше́ний: // мо́жеши бо, ели́ка хо́щеша, помо́щи.

Катава́сия: На Божéственней стра́жи / богоглаго́ливый Авваку́м / да ста́нет с на́ми и пока́жет / светонóсна А́нгела / я́сно глаго́люща: / днесь спасе́ние ми́ру, / я́ко воскресе́ Христо́с, // я́ко всеси́лен.

Песнь 5

Ирмо́с: У́тренюем у́треннюю глубоку́, / и вме́сто ми́ра песнь принесём Влады́це, / и Христа́ узрим / пра́вды Со́лнце, // всем жизнь возсия́юща.

Припéв: Христо́с воскресе́ из ме́ртвых.

Безме́рное Твое́ благоутро́бие,/ а́довыми у́зами содержи́мии зря́ще,/ к све́ту идя́ху, Христе́,/ весéлыми нога́ми, // Па́сху хва́ляще ве́чную.

Припéв: Христо́с воскресе́ из ме́ртвых.

Присту́пим свещенóснии,/ исходя́щу Христу́ из грóба, я́ко жениху́,/ и спрáзднуем любопра́зднственными́ чинми // Па́сху Бо́жию спаси́тельную.

Припéв: Пресвята́я Богоро́дице, спаси́ нас.

Просвещается божественными лучами и живонóсными/ воскресения Сына Твоегó,/ Богомати Пречíстая,// и радости исполняется благочестíвых собрание.

Припéв: Пресвятáя Богородице, спаси нас.

Не развэрзл еси врата дéвства в воплощении,/ грóба не разрушил еси печатей, Царю создáния:// отонúдуже воскрéшаго Тя зрящи, Мáти, рáдовашеся.

Канон праздника Троицы (Недели Мироносиц), глас 2:

Припéв: Слáва Тебé, Бóже наш, слáва Тебé.

Ты пёрвую одéжду мою,/ юже ми исткá, увы́ мне, сéятель грехá,// совлéкл еси́, Спáсе мой, облéкся в мя.

Припев: Слáва Тебé, Бóже наш, слáва Тебé.

Лíствие смокóвное сши мне грех мой, увы́ мне,/ не сохрáншему, Спáсе мой, пречíстую зáповедь Твою́,// зми́ным совéтом.

Припев: Слáва Тебé, Бóже наш, слáва Тебé.

Уязвívшуюся дúшу мою́ разбóйническими помышлénными мо́ими,// предстáвый íже от Марíи, и елéй возлиáв, исцели́ Христóс.

Припев: Слáва Тебé, Бóже наш, слáва Тебé.

У Крестá предстоящи Пречíстая Богородица, мáтерски взывáше:// оставил Мя еси́ едíну, о Сыне Мой и Бóже!

Припев: Слáва Тебé, Бóже наш, слáва Тебé.

Где твоé, смёрте, жáло;/ где твоя́, áде, побéда?/ Адáм да свопиéт:// сокрушилсá еси́ оживлénием воздвígшаго мёртвья.

Припев: Слáва Тебé, Бóже наш, слáва Тебé.

Миронóсицы жены́ грóба Твоегó достíгшия, оживívшаго дóльных,// глас слы́шаху глагóлющий: воскрéсе Христóс.

Слáва Отцú и Сыну и Свято́му Дúху.

Трои́чен: Тебé, Бóгу и Отцú, и Сыну, и Дúху поклоняюся, трем Ипостáсем,// и едíно три верую, Существóм едíнем.

И нýне и прíсно и во вéки векóв, амíнь.

Богородичен: Тя, безсéменным Рождествóм родívшую пáче естествá// обновívшаго естество́, Христá едíнаго Влады́ку воспева́ем,

вѣрнии.

Катавасія Пасхи: Утренюем утреннюю глубокѹ, / и вмѣсто мѣра песнь принесѣм Владѣце, / и Христѹ узрим / правды Сѳлнце, // всем жизнь возсіяюща.

Песнь 6

Канѳн Пасхи, глас 1

Ирмос: Снизшел еси в преисподняя земли, / и сокрушил еси верей вечныя, / содержащая связанная, Христѣ, / и тридневен, яко от кѣта Иѳна, // воскресл еси от грѳба.

Припѣв: Христѳс воскресе из мѣртвых.

Сохранѣв цѣла знаменія Христѣ, / воскресл еси от грѳба, / ключѣ Дѣвы не вредѣвый в рождествѣ Твоѣм, // и отвѣрзл еси нам райскія двѣри.

Припѣв: Христѳс воскресе из мѣртвых.

Спасе мой, / живѳе же и нежѣртвенное заклѣние, / яко Бог Сам Себѣ / волею привѣл Отцѹ, / совоскресѣл еси всерѳднаго Адѣма, // воскрес от грѳба.

Припѣв: Пресвятѣя Богорѳдице, спасѣ нас.

Возведѣся дрѣвле держѣмое смѣртию и тлѣнием, / воплотѣвшимся от Твоегѳ прѣчѣстаго чрѣва, / к нетлѣнной и присносѹщней жѣзни, // Богорѳдице Дѣво.

Припѣв: Пресвятѣя Богорѳдице, спасѣ нас.

Снѣде в преисподняя земли, / в ложеснѣ Твоѣ, Чѣстая, сшѣдый, / и вселѣвыйся и воплотѣвыйся пѣче умѣ, / и воздѣже с Собѳю Адѣма, // воскрес от грѳба.

Канон праздника Троици (Недели Мироносиц), глас 2:

Припѣв: Слѣва Тебѣ, Бѳже наш, слѣва Тебѣ.

Мертв есть ад, дерзѣйте земнорѳднии, / Христѳс бо на Дрѣве вѣсяй, / вѣрге оруѣе нань, и лежѣт мертв: // яже бо имѣше, пленѣся обнажѣвся.

Припѣв: Слѣва Тебѣ, Бѳже наш, слѣва Тебѣ.

Пленіся ад, дерзайте мёртвии, и гробы отверзóшася,/ востáните от áда, вопіёт вам Христós,// вся пришéдый избáвити от смёрти и тли.

Припéв: Слáва Тебé, Бóже наш, слáва Тебé.

Мёртвыя я́коже возмо́г пожéрл еси́ иногдá, ны́не истязу́емь/ áде, отда́ждь Ми, вопіёт тебé Жизнода́вец и Бог,// вся пришéдый избáвити от несýтаго твоегó чрэва.

Припéв: Слáва Тебé, Бóже наш, слáва Тебé.

Жены́ миронóсицы, что тщитэ́ся прóчее;/ что же живóму мíра принóсите,/ воскресе́ Христós, я́коже предречé.// Да престáнут вáша слéзы, прешéдшия на рáдость.

Припéв: Слáва Тебé, Бóже наш, слáва Тебé.

Плащани́цею Тя, Христé, обвív Иóсиф благообráзный, во грóбе положи́:/ миропомáзав же разорéнный Твоегó телесé храм,// привали́ кáмень вели́кий ко грóбу.

Припéв: Слáва Тебé, Бóже наш, слáва Тебé.

Госпо́дь воскресе́ пленíвый врагá,/ и ўзники истóргнув, возведé вся,/ и первоздáннаго Адáма, тогó возставл́яя,// я́ко Благоутрóбен и Человеколю́бец Бог.

Слáва Отцú и Сýну и Святóму Дúху.

Трои́чен: Трóицу во Едíнстве воспо́йм вёрнии,/ с Сýном Отцá сла́вяще, и Дúха единосúчна Сýну, и сýща во Отцé// собезначáльнаго и присносúчнаго Бóга.

И ны́не и прíсно и во вéки векóв, амíнь.

Богородичен: Во чрэве невоздéланно зачалá еси́, Чíстая, нетлéния грозд, я́ко лозá:/ из нея́же безсмёртия то́ки,// я́коже вино́ нам источáют вéчную жизнь.

Катав́асия Пасхи: Снизшéл еси́ в преиспóдняя земл́и, / и сокруш́ил еси́ верей вéчныя, / содержа́ция свя́занныя, Христé, / и триднёвен, я́ко от ќита Иóна, // воскрeсл еси́ от грóба.

Господи, помíлуй. **Три́жды.**

Слáва, и ны́не:

Конда́к прáздника Трíoди, глас 2:

(Недéли Миронóсиц)

**Рáдоватися миронóсицам повелél есї,/ плачь прамáтере Ёвы
утоли́л есї/ воскресéнием Тво́йм, Христé Бóже,/ апóстолом же Тво́йм
проповéдати повелél есї:// Спас воскресе́ от грóба.**

Ўкос:

**На гроб Твой, Спа́се, миронóсицы идúщия,/ к себé недоумева́хуся
умóм, и вещáху:/ кто нам кáмень отвалит грóбный?/ И воззрéвша видят,
я́ко кáмень отвален бе,/ зра́ку же áнгелову со оде́нием дивля́хуся:/
содержи́ми же бáху трéпетом, и бежа́ти помышля́ху./ И к ним ю́ноша
возопи́:/ не бо́йтеся вы, Егóже и́щите, воста́,/ прииди́те, видите ме́сто,
иде́же лежáше тéло Иису́сово,/ и ско́ро шéдшия возвестите́ ученико́м://
Спас воскресе́ от грóба.**

Песнь 7

Канóн Пасхи, глас 1

**Ирмо́с: О́троки от пéщи избáвивый, / быв Челове́к, / стра́ждет я́ко
смёртен, / и стра́стию смёртное, / в нетлéния облачит благолéпие,/ Еди́н
благословéн //отцéв Бог и препрослáвлен.**

Припéв: Христóс воскресе́ из мёртвых.

**Жены́ с мiры богомúдрыя в след Тебé теча́ху:/ Егóже, я́ко мёртва, со
слезáми иска́ху,/ поклони́шася ра́дующияся Живóму Бóгу,/ и Пáсху
та́йную// Тво́йм, Христé, ученико́м благовести́ша.**

Припéв: Христóс воскресе́ из мёртвых.

**Смёрти прáзднуем умерщвлéние,/ áдово разрушéние,/ инóго жити́я
вéчнаго нача́ло,/ и игра́юще поём Винóвнаго,/ Еди́наго
благословéннаго// отцéв Бóга, и препрослáвленнаго.**

Припéв: Пресвятáя Богорóдице, спаси́ нас.

**Умертвiв Сын Твой смерть, Всенепорóчная, днесь,/ всем смёртным
пребывáющий живóт/ во вéки веко́в дарова́,/ еди́н благословéнный//
отцéв Бог и препрослáвленный.**

Припéв: Пресвятáя Богорóдице, спаси́ нас.

**Всем ца́рствуяй создáнием, быв человек,/ всели́ся в Твою́,
Богоблагодáтная, утробу,/ и распя́тие претерпéв и смерть,/ воскресе́
боголéпно,// совозста́вив нас я́ко всесiлен.**

Канон праздника Троицы (Недели Мироносиц), глас 2:

Припéв: Сла́ва Тебé, Бóже наш, сла́ва Тебé.

Ты, яко Человеколюбец, хотяй вся спасти от прелести, яже создал еси,/ претерпел еси пригвоздиться на Кресте:/ да погребенный образ страстми, сей плотию Твоею обновши, Спасе,// и ад низложив, воскресил еси и умершие с Собою.

Припев: Слава Тебе, Боже наш, слава Тебе.

На Кресте возвышаемь, вся призвал еси/ к Себе Щедре, якоже обещал еси Блаже:/ яко воистинну вся сия грехов ради наших пострадати благоволил еси.// Темже и разбойнику райская врата отверзл еси, Спасе.

Припев: Слава Тебе, Боже наш, слава Тебе.

Ты храм телесный воздвигл еси разоренный,/ тридневно из гроба, якоже обещал еси Блаже:/ да воистинну скажеш славу Твою,/ юже нам источаеши верою,// узы разрешив, ихже держаше древле ад связанных.

Припев: Слава Тебе, Боже наш, слава Тебе.

О иудейское безумие! О неистовство беззаконных!/ Что неверное видевше, не веровасте Христу;/ яко немощныя, не словом ли воздвиге?/ Или яко весь мир Той не спасе ли,// да уверяют вас поне боини, или воскресшие из мертвых.

Припев: Слава Тебе, Боже наш, слава Тебе.

Омертвевшии стражие ныне да глаголют,/ како украден бысть, Егоже не видеша неразумнии всегда?/ Аще бо воскресша не видеша, ни ощутиша,/ како украдена Сего разумети можаху когда?// Да уверит вы поне камень сей, и погребальная Христова

Припев: Слава Тебе, Боже наш, слава Тебе.

Что яко мертва блюдете;/ что печати на камени положите еврею, страхом боящегося крадения?/ Се воистинну гроб запечатлется:/ како убо воскресе, аще не бы Бог был Христос?// Да уверяют вы воскресшии, и видени бывшии многими.

Слава Отцу и Сыну и Святому Духу.

Троицен: Со Отцем славим Сына, и Духа Святаго,/ вопиюще непрестанным гласом:/ Троице, единственное Существо, помилуй, спаси вся,/ в трех Лицах Единице, ущедри ны,// препрославленный Боже, во веки.

И ныне и присно и во веки веков, аминь.

Богородичен: **Во чре́ве Твоём, Пречи́стая, ка́ко вместы́ла еси́ Младенца, / Егóже трепещут си́лы а́нгельския́ яко́ Бóга? / Ра́зве́ яко́же восхотé, яко́же весть всели́ся, / вся́ спасти́ хотя́й от Ада́ма земнорóдных, // разрешивы́й Ада́ма кля́твы о́ныя, снэ́дию го́рькою.**

Катава́сия Пасхи: **О́троки от пéщи избáвивый, / быв Чело́век, / стра́ждет яко́ смёртен, / и стра́стию смёртное, / в нетлéния облачи́т благолéпие, / Еди́н благословéн //отцéв Бог и препрослáвлен.**

Песнь 8

Канон Пасхи, глас 1

Ирмо́с: **Сей наречéнный и святы́й день, / Еди́н суббо́т Царь и Госпо́дь, /пра́здников пра́здник / и торже́ство е́сть торже́ств, // во́ньже благослови́м Христа́ во ве́ки.**

Припе́в: **Христóс воскресе́ из ме́ртвых.**

Прииди́те, но́ваго виногра́да рождéния, / Божéственнаго весéлия, / в нарóчитом дни Воскресéния, / Ца́рствия Христа́ва приобщи́мся, / пою́ще Егó, // яко́ Бóга, во ве́ки.

Припе́в: **Христóс воскресе́ из ме́ртвых.**

Возведи́ о́крест о́чи твои́, Си́оне, и виждь: / се бо приидо́ша к тебе́, / яко́ богосвётлая свети́ла, / от за́пада, и се́вера, и мо́ря, / и восто́ка ча́да тво́я, // в тебе́ благословя́щая Христа́ во ве́ки.

Припе́в: **Пресвята́я Богороди́це, спаси́ нас.**

Прииде́ Тобо́ю в мир Госпо́дь, Де́во Богороди́це, / и чре́во а́дово расто́рг, / смёртным нам воскресéние дарова́: // Те́мже благослови́м Егó во ве́ки.

Припе́в: **Пресвята́я Богороди́це, спаси́ нас.**

Всю́ низложи́в смёрти держа́ву Сын Твой, Де́во, / Свои́м воскресéнием, / яко́ Бог крéпкий совознесé нас и обожí: // те́мже воспева́ем Егó во ве́ки.

Канон праздника Троицы (Недели Мироносиц), глас 2:

Припе́в: **Сла́ва Тебе́, Бо́же наш, сла́ва Тебе́.**

Сóлнечныя зарí спря́тахуся стра́хом Христа́вых страда́ний, / и востая́ху ме́ртвии, и го́ры прекланя́хуся, // и колеба́шеся земля́, и ад обнажа́шеся.

Припе́в: **Сла́ва Тебе́, Бо́же наш, сла́ва Тебе́.**

В пещи́ сущи́и иногда́ треблаже́ннии о́троцы/ возвыша́юще ру́ки, прообража́ху, Бла́же, пречестный́ Крест Твой, //́ и́мже низложи́л еси́, Христэ́, вра́жию си́лу.

Припе́в: Сла́ва Тебе́, Бо́же наш, сла́ва Тебе́.

О иудее́ слепи́и прелестни́цы и престу́пни́цы, / Христо́ву Воскресе́нию неверующи́и, я́ко ло́жному: //́ что неверное́ ви́дите, я́ко воскресе́ Христо́с, ме́ртвыя воздви́гий?

Припе́в: Сла́ва Тебе́, Бо́же наш, сла́ва Тебе́.

О иудее́ врази́, а́ще и нам не ве́руете, / ва́ша вои́ны вы вопро́сите, что постра́даша оні́? //́ Кто отвали́вый рука́ми ка́мень от гроба́?

Припе́в: Сла́ва Тебе́, Бо́же наш, сла́ва Тебе́.

Зове́т ка́мень са́мый, печа́ти вопи́ют, я́же вы положи́вше, / поста́viste стра́жу храня́щую гроб: //́ вои́стинну воскресе́ Христо́с, и живе́т во ве́ки.

Припе́в: Сла́ва Тебе́, Бо́же наш, сла́ва Тебе́.

Вои́стинну воскресе́ Христо́с, / пленен́ бысть ад, умертви́ся зми́й, / изба́вися Ада́м, потрясо́шася до́льнии: //́ что не ве́руете проче́е, врази́ и престу́пни́цы?

Благослови́м Отца́, и Сы́на, и Свята́го Ду́ха, Го́спода.

Трои́чен: Со Отце́м Сы́на, и Ду́ха Свята́го / Святу́ю Трои́цу в Божестве́ еди́ном прославля́ем, вопи́юще: //́ Свят, Свят, Свят еси́ во ве́ки.

И ны́не и прі́сно и во ве́ки веко́в, ами́нь.

Богородичен: Во чре́ве Твоём, Чи́стая, присноживо́тный хлеб, / смеше́ный несме́сно, смеше́нием на́шим, //́ родила́ еси́ непрело́жно еди́наго Христа́ Бо́га во двою́ существу́.

Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

Катава́сия: Сей нарече́нный и святы́й день, / Еди́н суббо́т Царь и Госпо́дь, / пра́здников пра́здник / и торже́ство есть торже́ств, //́ во́ньже благослови́м Христа́ во ве́ки.

Честнейшую не поем.

Песнь 9

Канон Пасхи, глас 1

Ирмос: Свети́ся, свети́ся, / но́вый Иерусали́ме, / сла́ва бо Господ́ня / на тебе́ возсия́. / Лику́й ны́не и весели́ся, Сио́не. / Ты же, Чи́стая, красуй́ся, Богоро́дице, // о воста́нии Рожде́ства Твоего́.

Припе́в: Хри́сто́с воскресе́ из ме́ртвых.

О Божество́ннаго, о любезна́го, / о сладча́йшаго Твоего́ гла́са! / С нами́ бо неложно́ / обеща́лся еси́ бы́ти, / до сконча́ния ве́ка, Хри́сте: / Егоче́, ве́рнии, // утвержде́ние наде́жди иму́ще, раду́емся.

Припе́в: Хри́сто́с воскресе́ из ме́ртвых.

О Па́сха ве́лия и свяще́ннейшая, Хри́сте! / О му́дросте, и Сло́ве Бо́жий, и си́ло! / Подава́й нам и́стее Тебе́ причаща́тися, // в невече́рном дни Ца́рствия Твоего́.

Припе́в: Пресвята́я Богоро́дице, спаси́ нас.

Согласно́, Де́во, Тебе́ блажи́м ве́рнии: / раду́йся, двере́ Господ́ня: / раду́йся, гра́де одушевле́нный: / раду́йся, Ея́же ра́ди нам ны́не возсия́ свет, // из Тебе́ Рожде́ннаго из ме́ртвых Воскресе́ния.

Припе́в: Пресвята́я Богоро́дице, спаси́ нас.

Весели́ся и раду́йся божество́нная двере́ Све́та: / заше́дый бо Иису́с во гроб возсия́, / просия́в со́лнца светле́е, / и ве́рныя вся озари́в, // Богора́дованная Влады́чице.

Канон праздника Троицы (Недели Мироносиц), глас 2:

Припе́в: Сла́ва Тебе́, Бо́же наш, сла́ва Тебе́.

Иже на Кресте́ разбо́йника, позна́вша Тя Бо́га, / насле́дника соде́лал еси́ мы́сленному раю́, // е́же помяни́ мя, вопию́ща, Всеси́льне Спа́се.

Припе́в: Сла́ва Тебе́, Бо́же наш, сла́ва Тебе́.

Зауше́н нас ра́ди, / и оплева́н был еси́, Иису́се, от беззаконни́ков, // скрижа́ли зако́на начертáвый в Сина́и, уго́днику Моисе́ю.

Припе́в: Сла́ва Тебе́, Бо́же наш, сла́ва Тебе́.

О́цта и же́лчи, Спа́се, напо́ен был еси́ нас ра́ди, / да́вый нам те́ло и честну́ю кровь, // в снедь же и пити́е ве́чныя Твоея́ жи́зни.

Припе́в: Сла́ва Тебе́, Бо́же наш, сла́ва Тебе́.

В животворная рѣбра копиѣм прободѣн быв, Христѣ,/ пречистую Твою кровь, и честную воду// источил еси мiрови, яко присноживотный источник.

Припѣв: Слава Тебѣ, Божѣ наш, слава Тебѣ.

Кто украдый мертвого, паче же и нага?/ Что льститесь еврѣе?// Христос воскрес, и разрушаются адовы узы и верей.

Припѣв: Слава Тебѣ, Божѣ наш, слава Тебѣ.

Иосифа чуднаго да восхвалим вернии,/ купно с Никодимом, и мироносицами верными,// вопиющия: Господь воскрес воистинну.

Слава Отцу и Сыну и Святому Духу.

Троицен: Безначален еси Отче,/ несозданен еси Сыне,/ сопрестолен и Духе Святой,/ едино [Сия три] Естеством, и три Лицы,// едины Божѣ истинный.

И ныне и присно и во веки веков, аминь

Богородичен: Да веселится Иисей, да ликовствует и Давид:/ се бо Дева Богорасленный жезл прозябе,// цвет присноживотный Христа.

Катавасия Пасхи: Светися, светися, / новый Иерусалиме, / слава бо Господня / на тебе возсия. / Ликуй ныне и веселися, Сионе. / Ты же, Чистая, красуйся, Богородице, // о востании Рождества Твоего.

Господи, помилуй. **Трижды.**

Слава, и ныне:

Свят Господь Бог наш. Свят Господь Бог наш. Свят Господь Бог наш.

Светилен Пасхи, самогласен:

Плотию уснув,/ яко мертв,/ Царю и Господи,/ тридневен воскресл еси,/ Адама воздвиг от тли,/ и упразднил смерть:/ Пасха нетления,// мира спасение.

Слава, и ныне:

Светилен праздника Троицы (Недели Мироносиц):

Жены услышите глас радования:/ мучителя ада поправый, от тли мир воздвиже,/ тецйте, другом рците Моим благовестия:/ хочу бо создание Своѣ радостию озарити,// отонудуже прииде печаль.

ХВАЛИТНЫ ПСАЛМЫ, ГЛАС 2

Всякое дыхáние да хвáлит Гóспода. Хвалíte Гóспода с небéс, хвалíte Егó в вýшних. Тебé подобáет песнь Бóгу. Хвалíte Егó, вси А́нгели Егó, хвалíte Егó, вся Сýлы Егó. Тебé подобáет песнь Бóгу.

(в приходской практике пропускается до стихир) : Хвалíte Егó, сóлнце и луна́, хвалíte Егó, вся звéзды и свет. Хвалíte Егó Небесá небéс и вода́, яже превýше небéс. Да восхва́лят íмя Госпóдне: я́ко Той речé, и бýша, Той повелé, и создáшася. Поста́ви я́ в век и в век вéка, повелéние положи́, и не мýмо йдет. Хвалíte Гóспода от землй́, змйеве и вся бéздны: огонь, град, снег, гóлоть, дух бýрен, творя́щая слóво Егó, гóры и вси хóлми, древа́ плодонóсна и вси кéдри, звéрие и вси скóти, га́ди и птйцы перна́ты. Цáрие зéмстии и вси лýдие, кнй́зи и вси судий́ зéмстии, ю́ноши и дéвы, ста́рцы с ю́нотами да восхва́лят íмя Госпóдне, я́ко вознесéся íмя Тогó Едй́наго, исповéдание Егó на землй́ и на небесй́. И вознесёт рог людéй Свой́х, песнь всем преподóбным Егó, сыновóм Изра́иловым, лýдем, приближа́ющимся Емý.

Воспойте Господеви песнь нову, хваление Его в церкви преподобных. Да возвеселится Израиль о сотворшем Его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесет кроткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остри в руках их: сотворити отмщение во языцех, обличения в людех, связати цари их путы, и славныя их ручными оковы железными,

Стихиры на хвалитех, глас 2:

Сотворити в них суд написан. / Слава сия будет всем преподобным Его.

Всякое дыхáние и вся тварь,/ Тя сла́вит, Гóсподи,/ я́ко Крестóм смерть упразднй́л есй́,/ да пока́жеши лýдем, éже из мёртвых Твоé Воскресéние,// я́ко едй́н Человеколю́бец.

Хвалíte Бóга во святýх Егó,/ хвалíte Егó в утвержéнии сй́лы Егó.

Да рекýт иудéи, кáко вóини погубй́ша стрегýщии Царя́?/ Почтó бо кáмень не сохрани́ Кáмене жй́зни?/ Или́ погребéннаго да дадýт,/ или́ Воскрéсшему да поклóнятся, глагóлюще с нáми:/ сла́ва мнóжеству щедрóт Твой́х,// Спáсе наш, сла́ва Тебé.

Хвалíte Егó на сй́лах Егó,/ хвалíte Егó по мнóжеству вели́чества Егó.

Рáдуйтеся, лю́дие, и веселíteся,/ А́нгел седя́й на ка́мени грóбнем,/ той нам благовестí, рек:/ Христóс воскресе́ из ме́ртвых, Спас ми́ра,/ и испóлни вся́ческая благоухáния:// рáдуйтеся, лю́дие, и веселíteся.

Хвалíte Егó во гла́се тру́бнем,/ хвалíte Егó во псалти́ри и гу́слех.

А́нгел у́бо, е́же рáдуйся,/ прэ́жде Твоегó зачáтия, Гóсподи, Благодáтней принесé;/ А́нгел же ка́мень сла́внаго Твоегó грóба в Твоем Воскресéнии отвалí./ Ов у́бо в печáли ме́сто, веселíя о́бразы возвещáя:/ сей же вмéсто смéрти, Влады́ку Жизнода́вца проповéдуя нам./ Тэмже вопи́ем Ти:// Благодéтелю всех, Гóсподи, сла́ва Тебé.

Хвалíte Егó в тимпа́не и ли́це,/ хвалíte Егó во стру́нах и оргáне.

Возли́яша ми́ра со слезáми на гроб Твой жены́,/ и испóлнишася рáдости устá их,// внегда́ глаго́лати: воскресе́ Господь.

Хвалíte Егó в кимва́лех доброгласных, хвалíte Егó в кимва́лех восклицáния./ Вся́кое дыхáние да хва́лит Гóспода.

Да похва́лят язы́цы и лю́дие Христá Бóга нáшего,/ волею нас рáди Крест претерпéвшаго,/ и во áде триднёвновавшаго,/ и да поклóняются Егó из ме́ртвых Воскресéнию,// íмже просветíшася всегó ми́ра концы́.

Воскресни́ Гóсподи Бóже мой, да вознесётсá рука́ Твоя́,/ не забуди́ убóгих Твои́х до концá.

Рáспят и погребён был еси́, Христé, я́коже изво́лил еси́,/ испроверѓл еси́ смерть, и воскресл еси́ во сла́ве,/ я́ко Бог и Влады́ка,/ дáруя ми́рови жизнь вéчную,// и вéлию мýлость.

Исповёмсá Тебé Гóсподи всем сэрдцем мо́им,/ повём вся чудесá Твоя́.

О войстинну́ беззакóннии,/ печáтавшe ка́мень, бóльших нас чудес сподóбистe!/ Ымут рáзум стра́жие,/ днесь прóйде из грóба, и глаго́лаху:/ рцы́те, я́ко нам спя́щим,/ приидóша ученицы́, и украдо́ша Егó./ И кто кра́дет мертвеца́, пáче же и нáга;/ Сам воскресе́ самовла́стно, я́ко Бог,/ оста́вь во грóбе и погребáтельная Своя́./ Приидíte, вíдите, иудее́,/ кáко не растóрже печáти, смерть попра́вый/ и рóду челове́ческому безконéчную жизнь дáруй,// и вéлию мýлость.

Сла́ва Отцу́ и Сы́ну и Свято́му Ду́ху.

Стихи́ра Евангельская воскресная, глас 2:

С ми́ры пришéдшим я́же с Мари́ею жена́м,/ и недоумева́ющимсá,/ кáко бу́дет им уллучíти желáние,/ яв́ися ка́мень

взят,/ и Божественный юноша утоляя мятéж душ их,/ востá бо, глаголет, Иисус Господь./ Тёмже проповéдите проповéдником Егó,/ учеником в Галилею тещи,/ и видети Егó воскресша из мёртвых,// я́ко Жизнода́вца и Гóспода.

И ныне и присно и во веки веков. Аминь.

Преблагословенна еси, Богородице Дево,/ Воплощшим бо ся из Тебе ад пленися,/ Адам воззвася,/ клятва потребися,/ Ева свободися,/ смерть умертвися, и мы ожихом./ Тем воспевающе вопиём:/ благословен Христос Бог,// благоволивши тако, слава Тебе.

Слава Тебе, показавшему нам свет.

ВЕЛИКОЕ СЛAVОСЛОВИЕ

Слава в вы́шних Бóгу, и на земл́и мир, в челове́цах благоволение. Хва́лим Тя, благослов́им Тя, клáняем Ти ся, славослóвим Тя, благодар́им Тя вели́кия ра́ди сла́вы Твоея́. Гóсподи, Царю́ Небéсный, Боже, О́тче Вседерж́ителю, Гóсподи Сы́не Единорóдный, Иисусе Христé, и Святы́й Ду́ше. Гóсподи Бóже, А́гнче Бóжий, Сы́не О́течь, взéмляй грех м́ира, пом́луй нас. Взéмляй грех́и м́ира, прим́и моли́тву на́шу. Седя́й одесну́ю Отца́, пом́луй нас. Я́ко Ты еси́ Еди́н Свят; Ты еси́ Еди́н Господь, Иисус Христóс, в сла́ву Бóга Отца́, аминь.

На всяк день благословлю́ Тя и восхвалю́ и́мя Твое́ во ве́ки, и в век ве́ка. Сподóби, Гóсподи, в день сей без грехá сохран́итися нам. Благословен еси́, Гóсподи Бóже о́тец на́ших, и хва́льно и просла́влено и́мя Твое́ во ве́ки, аминь.

Буди, Гóсподи, м́лость Твоя́ на нас, я́коже упова́хом на Тя.

Благословен еси́, Гóсподи, научи́ мя оправд́анием Тво́им. **Трижды.**

Гóсподи, прибéжище был еси́ нам в род и род. Аз рех: Гóсподи, пом́луй мя, исцели́ ду́шу мою́, я́ко согреш́их Тебе́. Гóсподи, к Тебе́ прибегóх, научи́ мя твор́ити волю́ Твою́, я́ко Ты еси́ Бог мой, я́ко у Тебе́ исто́чник животá, во свéте Твоём́ узрим свет. Пробáви м́лость Твою́ вéдущим Тя.

Святы́й Бóже, Святы́й Кре́пкий, Святы́й Безсме́ртный, пом́луй нас. Трижды.

Сла́ва Отцу́ и Сы́ну и Свято́му Ду́ху, и ны́не и пр́сно и во ве́ки веко́в, аминь.

Святы́й Безсме́ртный, пом́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Тропа́рь воскресе́нный, глас 2:

Воскрес из гроба и úзы растерзал еси́ ада,/ разрушил еси́ осужде́ние сме́рти, Го́споди,/ вся от сетей врага́ изба́вивый;/ яви́вый же Себе́ апо́столом Твои́м,/ послал еси́ я на про́поведь,/ и те́ми мир Твой по́дал еси́ вселе́нней, // Еди́не Многоми́лостиве.

ЗАВЕРШЕНИЕ УТРЕНИ

Го́споди, поми́луй. **40.**

Сла́ва, и ны́не:

Го́споди, поми́луй. **12.**

Сла́ва, и ны́не:

Утверди́, Бо́же, святу́ю правосла́вную ве́ру, правосла́вных христиа́н во ве́к ве́ка.

Честне́йшую Херуви́м и сла́внейшую без сравне́ния Серафи́м, без истле́ния Бо́га Сло́ва ро́ждшую, су́щую Богоро́дицу, Тя велича́ем.

Сла́ва, и ны́не: Го́споди, поми́луй. **Трижды.** Благослови́.

Отпу́ст

Воскреси́ из ме́ртвых, Христé, и́стинный Бо́же наш, моли́твами Пречи́стыя Твоея́ Ма́тере, святы́х сла́вных и всехва́льных Апо́стол, Святы́х жен-мироносиц (Марии Магдалины, Марии Клеоповой, Саломии, Иоанны, Марфы и Марии, Сусанны и иных), праведных Иосифа Аримафейского и Никодима, ихже и па́мять ны́не соверша́ем, святы́х и пра́ведных богооте́ц Иоакима и А́нны, и всех святы́х, поми́луй и спаси́ нас, я́ко Благ и Человеколю́бец.

Христос воскресе́ из ме́ртвых, сме́ртию смерть попра́в и су́щим во гробéх живо́т дарова́в. Трижды.

И нам дарова́ живо́т ве́чный, поклоня́емся Егó тридне́вному Воскресе́нию.

Вели́каго господи́на и отца́ на́шего Кири́лла, Святе́йшаго Патриарха Моско́вскаго и всея́ Руси́, и господи́на на́шего высокопреосвяще́ннейшаго **и́мярек**, митрополи́та [или́: архиепи́скопа; или́: преосвяще́ннейшаго **и́мярек**, епи́скопа] [егóже е́сть о́бласть], настоя́теля, бра́тию и прихо́жан свята́го хра́ма на́шего, домоча́дцы на́ша и вся правосла́вныя христиа́ны, Го́споди, сохрани́ их на мно́гая ле́та.

ПЕРВЫЙ ЧАС

Христос воскрес из мертвых, смертию смерть поправ и сущим во гробех живот даровав. Трижды.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похвалятся о Тебе любящими имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчезит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и

на дела Твоя, и наста́ви сы́ны их. И бу́ди свѣтлость Го́спода Бо́га на́шего на нас, и дела́ рук на́ших испра́ви на нас, и де́ло рук на́ших испра́ви.

Псалом 100

Милость и суд воспою Тебе́, Го́споди. Пою́ и разумѣю в пути́ непорóчне, когда́ приидеши ко мне? Прехождáх в незлóбии сѣрдца моего́ посреде́ до́му моего́. Не предлагáх пред очима́ мойма́ вещь законопресту́пную: творя́щия преступлѣние возненавѣдех. Не прильпе́ мне сѣрдце строптíво, уклоня́ющагося от мене́ лука́ваго не позна́х. Оклеветáющаго тай́ и́скренняго своего́, сегó изгоня́х: го́рдным о́ком, и несýтым сѣрдцем, с сим не ядях. О́чи мой на вѣрныя земли́, посаждáти я́ со мно́ю: ходя́й по пути́ непорóчну, сей ми служáше. Не живя́ше посреде́ до́му моего́ творя́й горды́ню, глаго́ляй непра́ведная, не исправля́ше пред очима́ мойма́. Во у́трия избивáх вся грѣшныя земли́, е́же потребíти от гра́да Госпо́дня вся дѣлающыя беззакóние.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бо́же. **Трижды.**

Го́споди, помíлуй. **Трижды.**

Тропа́рь воскресный, глас 2:

Егда́ снизше́л еси́ к сме́рти, Животе́ Безсме́ртный,/ тогда́ ад умертвѣл еси́ блиста́нием Божества́;/ егда́ же и умерши́я от преиспо́дних воскресѣл еси́,/ вся Сѣ́лы Небе́сныя взыва́ху:// Жизнода́вче, Христѣ́ Бо́же наш, сла́ва Тебе́.

Сла́ва:

Тропа́рь пра́здника Трио́ди, глас 2: (Неде́ли Миронóсиц)

Благообра́зный Ио́сиф,/ с Дре́ва снем Пречи́стое Тѣло Твое́,/ плащани́цею чи́стою обвѣв, и благоухáньми,/ во грóбе но́ве, закрѣв, положи́,/ но триднѣвен воскресл еси́, Го́споди,// пода́й мѣрови ве́лию мѣ́лость.

И ны́не:

Богорóдичен:

Что Тя наречѣм, о Благода́тная? Не́бо, я́ко возсия́ла еси́ Со́лнце Пра́вды. Рай, я́ко прозяблá еси́ цвет нетлѣ́ния. Де́ву, я́ко пребылá еси́ нетлѣ́нна. Чи́стую Ма́терь, я́ко имѣла еси́ на святы́х Твои́х объ́ятях Сы́на, всех Бо́га. Того́ моли́ спастѣ́ся душа́м на́шим.

Та́же:

Стопы́ моя напра́ви по словеси́ Твоему́ и да не облада́ет мно́ю всякое беззако́ние. Изба́ви мя от клеветы́ челове́ческа, и сохра́ню за́поведи Твоя́. Лице́ Твое́ просвети́ на раба́ Твоего́ и нау́чи мя оправда́нием Твои́м.

Да испол́нятся уста́ моя хваления́ Твоего́, Го́споди, я́ко да воспую́ сла́ву Твою́, весь день великолéпие Твое́.

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды.**

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. **Ами́нь.**

Пресвята́я Трóице, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, поми́луй. **Трижды. Сла́ва, и ны́не:**

О́тче наш, И́же еси́ на Небесе́х, да святи́тся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должни́ком на́шим; и не введи́ нас во искуше́ние, но изба́ви нас от лука́ваго.

[Я́ко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]

Конда́к, пра́здника Трѳоди, глас 2: (Неде́ли Миронóсиц)

Ра́доватися миронóсицам повелел еси́,/ плачь прамáтере Ёвы утоли́л еси́/ воскресением Твои́м, Христé Бо́же,/ апóстолом же Твои́м пропове́дати повелел еси́:// Спас воскресе́ от грóба.

Го́споди, поми́луй. 40.

И́же на всякое вре́мя и на всякий час, на Небеси́ и на земли́, покланя́емый и сла́вимый, Христé Бо́же, Долготерпели́ве, Многоми́лостиве, Многобла́гоутрóбне, И́же пра́ведныя любя́й и грешны́я ми́луяй, И́же вся зовы́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живóт наш к за́поведем Твои́м, ду́ши на́ша освяти́, телеса́ очисти́, помышления́ испра́ви, мы́сли очисти́ и изба́ви нас от вся́кия скóрби, зол и болéзней, огради́ нас святы́ми Твои́ми А́нгелы, да ополче́нием их соблюда́еми и наставля́еми, досты́гнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

И молитву часа:

Христэ, Свете Истинный, просвещаяй и освящаяй всякаго человека, грядущаго в мир, да знаменается на нас свет лица Твоего, да в нем узрим Свет Непреступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Кондак Пасхи, глас 8:

Аще и во гроб снишел еси, Безсмертне,/ но адову разрушил еси силу/ и воскресл еси, яко Победитель, Христэ Боже,/ женам мироносицам вещавый: радуйтесь!/ И Твоим апостолом мир даруяй,// падшим подай воскресение.

Слава, и ныне:

Господи помилуй. Трижды.

Воскресий из мертвых, Христэ, истинный Боже наш, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец. Аминь.